

攸縣志

三

自在村人藏

攸縣志卷十七

知縣事 建水趙 勤纂修
仁和萬在衡

祠廟

廟者貌也。瞻榱桷而巍峩。祠者祀也。肅几筵以清靜。溯經營於訊日。既上雨旁風之無虞。惟修舉兮及時。自鳥革翬飛之永固。是故枚枚致咏。胥嚮攸宜。翼翼興歌。神靈斯妥。凡皆守土所不容忽。亦即士民所共為營也。志祠廟。

文廟

在縣治東南。宋寶祐三年初建。元季燬於兵。明洪武二年。主簿黃公範復修。十九年又燬於兵。三十六

年典史鄭浩復修正統八年知縣吳貴改建堂齋門
舍并修櫺星門左右建登瀛毓秀二坊後廢嘉靖四
十年僉事羅文蔚謁

文廟病其隘欲更新之邑紳陳惟順捐貲建屋十八間不
費民財

皇清順治十四年知縣朱英幟教諭古通今訓導李之楷
張楚書復修康熙二十三年知縣余三奇重修四十
七年生員歐陽再思捐修後墻乾隆辛未合邑紳士
復修

康熙二十三年

御頌萬世師表匾額

雍正元年

御頌生民未有匾額

乾隆元年

御頌與天地參匾額

嘉慶元年

御頌聖集大成匾額

東廡 康熙二十年生員陳治安捐修

西廡 康熙二十年紳士彭繼時向允疇劉光鈺重修

乾隆辛未合邑紳士重修

大成門 卽舊戟門雍正三年紳士胡經虞涂士景劉
傳相劉應源劉來培歐陽定樞劉應洵夏繼志歐陽
一麟夏盛重修

櫺星門 外左額聖域右額賢關中鑿泮池前緣以墻
明嘉靖年間知縣范志文重修隆慶年間知縣楊壁
重修崇正癸酉原任應天府治中譚宗元車駕司王
事劉伯相重修舊有廖希顏記康熙三十年邑紳士
劉其澗劉令望劉慧珠王德裕劉光鈺陳汝昌劉光
錫劉其濤陳汝礪劉兆桃夏之鳳洪圖昇洪圖晟虞
榮劉新鼎劉楚觀陳梧劉士乾劉士達劉士忠劉士

垣劉士瓊夏之龍唐天柱陳標蔡來進陳治灼捐修
康熙四十一年陳治人捐建石坊乾隆二年知縣李
澎教諭胡興稔訓導劉蜚聲典史姜漢紳士龍璠劉
重輝劉來培歐陽定觀劉應洵歐陽定樞改建三門
六柱青石坊乾隆辛未紳張朝職借男樂善捐建
崇聖祠 卽啟聖祠康熙十九年知縣張潛捐修四十
六年紳士尹景莘歐陽再思劉應洲重修雍正七年
生員胡經虞倡捐移立正向培建臺基後知縣陳文
言教諭李宗德訓導陳一章糾紳士劉啟譚聖樞劉
掄元劉傳樞龍升劉傳相胡士誼歐陽再思劉缺劉

傳松劉應壽胡一麟夏盛劉來培劉兆鶉陳士拱陳
士揚陳應銓劉介輝龍璠劉其輝劉重輝王緝熙胡
一鳳夏繼志蔡上浚龍思騰鄧果鄧祖授歐陽定光
歐陽一麟陳三鳳謝帝眷余嶠歐陽定樞余潮向
俞澤劉恒輝余澤劉昌漢文承寵陳其極陳兆舉劉
嵩劉昌澍龍章陳宏鑑夏光仕鄧世謙何永沛吳先
舉王萬溥蔡啟佑朱功懋劉世翼謝君恩謝士炳易
廷芳胡一翥陳三資劉樹英劉樹敏涂士景鄧朝勳
羅世芳劉泮嵩虞龍譚之德李名世羅經緯謝君選
蔡煦譚起蛟蔡貽尙劉鴻韻劉握珠余佐陳兆萃劉

士萃劉康夏周正發洪其薰王三奇朱旌文承軌王
孫傳劉緒功賀高超譚千鍾陳登朝賀捷陳勇李大
珠唐大勳譚起斌劉成勳彭世傑羅國榮文承運劉
晉歐陽泰崙陳瓚易爲楫譚繩武助修有碑乾隆丁
巳華都鄧賀二姓捐修

正殿

至聖先師孔子神位正中南向

四配位

復聖顏子

述聖子思子殿內東旁西向

宗聖曾子

亞聖孟子殿內西旁東向

十二哲東六位次東

先賢閔子各損 先賢冉子各雍

先賢端木子各賜 先賢仲子各由

先賢卜子各商 先賢有子各若
乾隆三年升配

十二哲西六位次西

先賢冉子各耕 先賢宰子各予

先賢冉子各求 先賢言子各偃

先賢顓孫子各師 先賢朱子各熹
康熙五十一年升配

東廡乾隆十八年禮部核改奏定通行

先賢蘧瑗雍正二年復祀 澹臺滅明 原憲

商瞿 漆雕開 南宮适 梁鱣

冉孺 司馬耕 冉季 漆雕徒父

伯虔 公西赤 任不齊 漆雕哆

公肩定 鄒單 公良孺 榮旂

左人郢 罕父黑 原亢 廉潔

鄭國 公西輿如 邾莒 叔仲會

琴張 步叔乘 陳亢 顏贇

顏何雍正二年增祀 秦非 樂正克雍正二年增祀

萬章雍正二年增祀 縣亶雍正二年增祀 程顥 邵雍

周敦頤 饒公羊高 伏勝 董仲舒

后蒼

杜子春

諸葛亮

雍正二年增祀

王通

范仲淹

康熙五十四年增祀

歐陽修

楊時

羅從彥

李侗

呂祖謙

蔡沈

陳淳

雍正二年增祀

魏了翁

雍正二年增祀

王柏

雍正二年增祀

趙復

雍正二年增祀

許謙

雍正二年增祀

吳澄

胡居仁

王守仁

羅欽順

雍正二年增祀

西廡 乾隆十八年

先賢林放

雍正二年復祀

宓不齊

公冶長

公皙哀

高柴

樊須

商澤

巫馬施

顏辛

曹卹

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣城

公祖句茲

燕伋

樂欬

狄黑

孔忠

公西蒧

顏子僕

施之常

申棧

左邱明

秦冉

雍正二年復祀

牧皮

雍正二年增祀

公都子

雍正二年增祀

公孫丑

雍正二年增祀

張載

程頤

先儒穀梁赤

高堂生

孔安國

毛萇

鄭康成

雍正二年復祀

范甯

雍正二年增祀

韓愈

胡瑗

司馬光

尹焞

胡安國

張栻

陸九淵

黃幹

真德秀

何基

陳澹

金履祥

許衡

薛瑄

陳獻章

蔡清

陸龍其

〔崇聖祠〕

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啓聖王叔梁公西二室南向

配位

從祀

顏氏

孔氏

周氏

程氏

朱氏

曾氏

孟氏

張氏

蔡氏

名宦祠

大成門左明萬歷四年知縣徐希明建雍正

三年紳士胡經虞涂士景劉傳相劉應源劉來培劉

應洵歐陽定樞夏繼志歐陽一麟夏盛重修乾隆辛

未合邑紳士復修

宋攸縣知縣張運

明攸縣知縣方 祐

江 自

徐希明

姚文灝

胡汝政

錢天先

賀納賢

皇清

大學士經略五省洪承疇

湖廣布政使司郎永清

保和殿大學士刑部尙書前湖廣總督吳璵

湖廣總督丁思孔

湖廣總督楊宗仁

湖廣提學道彭而述

湖廣總督兵部尙書郭世隆

巡撫偏沅都察院李發甲

湖廣總督署安西將軍額倫忒

巡撫偏沅戶部尙書趙申喬

巡撫湖南都察院陳瓊

攸縣知縣于穎然

攸縣教諭嚴一心

鄉賢祠 大成門右明末廢順治丁酉年舉人劉友光

重建乾隆辛未合邑紳士重修

宋大學博士彭天益

元集賢院待制馮子振

進士寧鄉縣丞易炎正

明北平布政使司彭友信

雲南右布政使司何楚英

兵部左侍郎王偉

戶部山西司郎中文宜

江西按察使司洪性

廣西叅政龍誥

翰林院檢討易舒誥

山東右布政使司龍光

工部員外郎譚縉

雲南尋甸知府江應鼎

歲貢生陳鏞 歲貢生陳論

北直邢臺知縣劉欽薦

巡按浙江御史蔡思穆

南大僕寺卿蔡承植

大理寺正卿劉宏化

廣東按察司贈都御史洪雲蒸

兵部車駕司主事劉伯相 副貢生陳時可

皇清

北直沙河知縣劉友光

陝西宜川知縣歐陽始亨

平江教諭 陳待詔

忠義孝弟祠 聖域門左乾隆辛未邑紳士改建門右

宋咸淳進士官廬陵尉王夢應

吳希奭 架閣使陳子全

元進士江西叅政陳從龍

明舉人陳來學 光祿寺丞南昌府別駕陳五魁

武岡州總兵王景熙 把總胡 湛

選貢生洪法臣

呈清

廩生陳六禮

以上忠烈

明儒士劉玉温 廩生陳 夔

徵士陳廷燧 諸生陳 製

舒城知縣劉應圻 拔貢授教諭劉 堅

贈雲南布政司文有章 廩生張 鈞

開州知州劉三德 諸生洪吉臣

鉅鹿知縣文典章 江都縣丞劉仲昭

儒士劉伯茂 儒士劉承協

諸生陳治策

諸生陳所學

皇清

儒士陳恪

儒士劉楚英

諸生歐陽再思

貢生劉其淑

州同劉洪珠

淑浦教諭劉慧珠

諸生文德和

諸生艾球鳴

貢生張朝盛

以上孝子

明光祿丞陳惟順

會昌主簿洪言

廣西右江道蔡之駿

台州府通判蔡承賚

營經知縣譚應夢

增生劉仲明

建昌府教授劉淑章

廩生陳幼學

以上義士

何志高

彭羅暘

毛溫鑑

文凌霄

陳善輕

譚處善

張泰春

彭雷震

洪忠可

王槐寬

王翰

陳壽卿

王翼

謝子龍

蕭政

張希宗

以上旌賜義行

皇清

議叙知縣陳之駿

同知劉伯朋

增生劉成邦

貢生蔡伯祥

諸生劉承錡

儒士胡良芳

諸生陳治安

諸生譚成章

諸生洪際盛

儒士謝琇

儒士洪際揚

儒士彭宏暹

以上義士

節孝祠

賢關門右與忠義祠係

雍正八年

知縣陳文言奉

旨建立乾隆辛未合邑紳士重修

明譚時中妻張氏

顏時用妻張氏

陳廷璋妻王氏

龍天衢妻洪氏

陳詢妻楊氏

陳伴妻譚氏

劉欽道妻

蕭氏

陳惟見妻劉氏

陳樸妻洪氏

陳俊可妻龍氏

陳惟寰妻余氏

王廷尹妻洪氏

洪俊臣妻陳氏

皇清

陳六禮妻朱氏

謝啟元妻李氏

鄧元稅妻廖氏

劉自煇妻董氏

劉鐸妻蔡氏

羅蔚妻譚氏

夏茂秀妻褚氏

劉楚其妻謝氏

劉章燦妻單氏

歐陽永景妻夏氏

文 鼎妻賀氏

劉 詢妻周氏

彭宏憲妻夏氏

劉際亨妻周氏

劉楚翼妻皮氏

劉光詔妻賀氏

劉士臨妻湯氏

陳上簡妻劉氏

劉昭備妻歐陽氏

王 玠妻陳氏

王士卓妻謝氏

劉三烈妻譚氏

劉 誠妻胡氏

費燕克妻徐氏

蔡 儼妻譚氏

陳如實妻譚氏

陳夢任妻賀氏

蔡祖佺妻單氏

張月桂妻唐氏

蔡渭濱妻費氏

陳學古妻譚氏

蕭文彬妻朱氏

劉其淑妻李氏

歐陽再思妻譚氏

蔡遠亭妻譚氏

虞文愷妻余氏

譚宗錫妻易氏

譚宗爵妻劉氏

鄧朝倬妻陳氏

劉成邦妻胡氏

譚起蛟妻劉氏

譚文瀾妻譚氏

易宗茂妻洪氏

夏啟孟妻王氏

尹咸寧妻賀氏

陳繡章妻賀氏

譚金相妻侯氏

譚其禰妻賀氏

皮啟鳳妻劉氏

賀士升妻蔡氏

皮獻易妻陳氏

郭志定妻謝氏

朱榮選妻易氏

劉起枝妻賀氏

劉芳妻謝氏

洪承烈妻尹氏

陳性寬妻胡氏

王木森妻董氏

至聖

四配 十哲木王

康熙二十三年生監文應簡

文應春文應箕歐陽維藩歐陽景虞文愷賀廷颺捐
修四十七年生員胡經虞并名宦鄉賢木王一概捐
修

賢門

乾隆二年知縣李澎邑紳劉來培龍璠劉應洵

劉重輝歐陽定樞歐陽定觀捐建

附闕里會

乾隆十六年邑紳劉啟歐陽定相劉應清張朝職劉
鼎彭啟清朱紱龍思騰曠世希譚進世蔡興朝張光
國劉鍊文定國陳建章譚有綸龍德璋龍思颺劉斯
範文承鳳譚有騏周宗祐曠經邦陳兆高歐陽昇瑞
陳兆邁陳兆建陳兆興劉樹幽胡一崧劉爵翰向長
年同志遂劉昌言陳殿發譚光珂劉治泰譚際舉劉
大猷鄧世御賀榮培賀位高洪如穆易國輝何世績
張祖善余世楫何世縉張樂善歐陽世鵠譚惟雅張

善衍陳宏澤洪天書張榮善賀榮發倡閭邑重修
文廟大成殿東西廡大成門泮池

崇聖祠名宦祠鄉賢祠忠義孝弟祠節孝祠等處規制
宏敞廟貌特崇并捐置舖屋六棟歲收租錢四十二
千後增至七十七千四百文邑令莊士寬給發執照
交首事輪年經收每年八月二十七日恭慶

聖誕祭費其餘存積彙貯典舖遇學宮考棚稍有損壞卽
行支用補修年加檢蓋於歲底造冊報縣核銷

關帝廟 一在東城一在西城知縣徐希明馮運棟俱
有記

社稷壇

舊志

在西城內雍正十年知縣許搏翮奉

旨修築壇臺一座廣二丈五尺徑如之四面陛各三級繚
以周墻達以四門石主二尺五寸埋壇南正中木牌
位二座填寫神號乾隆十九年知縣鄒錫彤改建北
城外壇壝制度石主牌位照前修設其舊址附入育
嬰堂之內

風雲雷雨山川壇

舊志在東城內知縣許搏翮奉

旨修築壇臺一座徑廣陛級門墻制度俱如西壇石主二
尺五寸埋壇南正中木牌位三座填寫神號乾隆十
九年知縣鄒錫彤改建北城外壇壝制度石主牌位

照前修設其舊址現入官稅

先農壇 雍正四年奉

旨建知縣蕭師諤擇東郊外觀音山造神臺一座五年知縣陳文言價買基地徑十丈廣七尺建壇一座神牌一座壇後正房三間配房各一間頭門一座四圍築牆又卽壇下置藉田四畝九分每歲仲春亥日恭祭行藉禮

文昌祠 昔在儒學西明萬歷時遷於對河文明塔大

啟時遷北門外後祀於儒學之尊經閣

國朝乾隆十六年改建閣於泮池之左邑紳張朝職龍

思騰文定國陳建章歐陽定相龍德璋劉鼎蔡興朝譚際舉文承鳳劉斯範張榮善賀榮發於祠側捐置舖屋一棟歲撥舖租以供三月初三日祭費嘉慶十四年被水傾圮各姓子孫捐貲重修

新文昌廟 在縣治東北昔爲攸江公署嘉慶八年奉敕建知縣張範將公署改作梅城書院以郊外震陽書院作文昌祠嘉慶十八年知縣張春源又改

文昌祠爲東山書院以梅城書院爲文昌祠

城隍廟 在縣治東建自前明乾隆二十五年知縣田彬偕紳士譚光呵歐陽命樞胡士謀蔡上瓊譚大員

譚榮綬等重修職員譚進世獨修戲臺任持易嘉兆
陳步陞譚位光廟前舖房二棟每年舖租任持收爲
檢蓋並油燈之費

古蹟城隍廟 在縣治西明崇正四年生員余堯仁同
男成龍化龍猶龍建乾隆元年任持僧息生募化重
修乾隆五十八年知縣李永琛偕紳士重修左建闈
中王祠係劉姓宗祠指出基地右建孫祖殿係劉國
光捐出基地任持劉楚發

龍神廟 在西城外

火神廟 在縣署右

邑厲壇 在縣東郭外

鄉厲壇 在各鄉今廢

蔡州雙忠祠 在縣治東蔡道憲福建晉江人崇正丁
丑進士長沙府推官癸未死張獻忠難周二南雲南
蒙化人恩貢長沙府通判攝攸縣事與李自成潰部
郝搖旗王進才等戰陣亡二公於攸皆有惠政故攸
人祀之歲久祠壞乾隆五年邑紳劉祚蕃捐貲四百
餘金修造前後正屋兩棟并門樓兩廊又就隙地造
舖屋數間歲收租銀六兩以備祭祀檢蓋之費六年
報竣嘉慶二年監生劉淳重修

漢明王廟 在東城外祀蜀漢劉磐

吳甘王廟 在東城內祀吳甘寧

晉石王廟 在北城內山王劉鳳所

新水府廟 在西郊外係胡姓基地乾隆甲午胡祖諤等倡修嘉慶丙子胡自雍楊振甲文世耀徐祖綬譚

劉鵬余青選尹高鵬周永盛曹永興余世椿萬壽宮沈萬順余恒興等重修

水府廟 在西城外係胡元仙基址今改爲龍王廟

天符廟 一在東城內 一在北城外

英濟廟 在西城外祀唐張巡康熙癸巳年任持僧慧

真重修乾隆戊申首事胡自雍徐上霞余寧清等倡

修乾隆乙卯生員余世杭復捐廟前基地一片

包公祠 在西城外明萬歷甲寅年任持僧懷雲建

國朝康熙丁丑僧吉章修辛巳復修雍正庚戌僧智文募化重修乾隆丁巳僧嗣菴復修嘉慶二年譚紹書

重修捐租八石以供油燈胡自雍 募修

七侯祠 在北城內山王劉楚魁

聖帝廟 在縣東郊外

昭烈祠 附東城隍廟右祀蜀漢昭烈帝

岳忠武廟 附東關廟左

白眉廟 在南城內祀蜀漢馬良

華光廟 在縣治東 楓仙廟 在縣南十里

藥王廟 在縣署右

靈官廟 在西城山王王泰任眉州州判

五聖祠 在西城外山王貢生余聲揚任持僧西蓮建

關聖殿 在橫橋市乾隆年間公建

關帝祠 在民都十排甲紳士等建知縣許搏翮設立

社倉劉門李氏義捐社穀在內豎有石碑

關帝廟 一在田心隴賀廷玉等重修一在北鄉天都
丹陵橋左嘉慶八年劉寶翁子孫重建

文昌祠 在馨都洞井舖劉源海彭翼軒尹蔭川等倡

置下坪塘楊梅富二處田二十二畝租三十二碩兩
桶後劉超廷等又接置楊梅富燕子窠二處田十四
畝租二十四碩契名馨善堂永爲祭田

祖師廟 在清都譚饒公建捐齋田八畝譚姓子孫屢
次重修永奉香火

包孝肅公廟 在北鄉任持僧法輝募化獻都衆姓重
修選貢余世本題其門曰關節從來不到黃河今日
永清監修賀昇平有記僧彌昌承守

楓仙廟 在清都距縣五十里乾隆間劉廷獻龍敦化

等倡捐重建

文昌閣 在清都距縣五十五里嘉慶六年庠生歐陽拜欽監生陳之珍等八人同建

朱子祠 在東郊外東山書院後棟知縣張春源建

文昌金像 康熙丁卯知縣余三奇教諭藍應象訓導黃鐘同紳士陳待詔陳治功陳兆遵溫全斌羅玉錡湯懋勳蕭之彪吳會陳顯涂士景鄒述綱楊光畧涂建立周宏瀛張廷庸羅士俊胡爾蒸唐德諧羅藻李宗請羅如瑤等裝修康熙戊戌教諭徐祝年重裝

文廟內祭器明崇正邑進士廣東三省監軍道洪雲蒸

平號有功以所賜太平宴金三百兩捐置

銅劍二個舊失一個 銅簋二十隻

銅簋二十隻 銅籩豆五十二個

古銅大香爐一座 小香爐一座

銅犧罇二隻 銅爵盞四十個

古銅大花瓶一對 小花瓶一對

文廟內鼎一座康熙二十年劉伯朋陳待舉陳伯立陳待訪胡士詒劉自泰胡士誥劉自英胡作傳劉光寧陳兆連劉自望劉士達陳慶說劉鼎中向允疇余家駒虞文愷陳治泰陳治功陳待詔胡士訓捐鑄油燈

順治十三年陳之駿捐自茅洲園土一所額徵銀十兩八錢今廢貢生譚際舉妻節婦劉氏捐新市田租四十石零兩桶作長明油燈之費

文昌祠內祭器嘉慶五年知縣張振翔捐置

錫爵盞三個

錫籩豆十二個

錫香爐一座

錫燭臺一對

文昌祠內油燈生員歐陽震亨捐對河周君赤耕土六畝額納銀六錢五分康熙五十八年震亨之子再思給牒丈入學册永管供費

萬壽宮 在北城康熙四十六年江西客商公建

天妃宮

北城內天符廟右嘉慶丙子首事朱嵩華

彭家琳胡自雍陳文蔚陳大雅鄧德驥文舒學陳大超劉增璋胡自慎陳文澡歐陽金珊胡自標胡宗湛劉齡枝歐陽金璵李家駒等募建

王忠烈祠 坐省垣北門內祀明兵部侍郎攸人王

偉 國朝乾隆二年偉裔義齡呈請詳奉 部咨

准於存公銀項撥銀一百四十三兩九錢七分修建正祠三間神龕一座牌位一座頭門一座八字牆二以着王萬音看守

文廟重修木主記

攸邑山水鍾靈。人文毓秀。敦詩書而說禮樂。蒸蒸然素有
鄒魯之風。余自去夏重攝縣篆。恭謁

文廟。自啟聖以下神位。剝落蠹蝕。而文昌昭崇祀之
典。書院爲養士之區。亦迄無定所。余莅事半載。勸捐千金
部署。文昌閣書院。兩得其地。自是神有專祠。士有齋居
矣。方思經營。文廟。邑紳陳源慨然捐貲。舉四配十哲東
西兩廡。名宦鄉賢忠孝節義。上及啟聖諸神主。整飾重
繕。悉復舊觀。書有之。旣富方穀。陳生有焉。然則好善之心。
人孰無之。特患上無以倡耳。余今爲陳生倡。陳生將又爲

衆人偶凡 文昌閣中陳設之器具書院生徒日食之膏
火知必大有人焉踵起而任之也爰紀於志末以勸來者
皆

嘉慶九年歲次甲子仲春月攝攸縣事候補直隸州知州

張範撰

續增攸縣志卷十七

權知攸縣事溧陽潘礪襄纂修

祠廟

文廟

道光

年五

邑紳呈請重修按糧派捐各都分修安都

譚姓督修

正殿天馱二都督修大成門名宦祠鄉

賢祠河兼海縣穀馨物共芝民十都督修東西兩廡

及鐘鼓樓華都鄧賀二姓督修崇聖殿呈寶二都督

修忠孝節義祠及節孝石坊國聚雲三都督修忠義

石坊慶都龍姓督修泮池圍牆雲都張姓督修標星

門慶都余姓督修東西石坊星景嘉屯四都督修

文昌廟次年甫落成而大水猝至多有塌壞各首事再行修葺始復舊規

古蹟城隍廟 自乾隆五十八年重修年久漸就坍塌道光十八年署知縣事王春藻出罰贖公項再行重修

城隍廟 自乾隆二十五年重修後傾頽殊甚道光十年職員胡自雍封職歐陽金瑀倡議勸捐重修將廟前舖屋二棟拆毀拓開頭門爲三門東西十二司創建樓房因經費不敷暫停道光十四年同知登銓捐罰贖公項錢壹仟串交邑紳舉人易奎舉人歐陽金

璉廩生文舒培與前倡捐首士承修將戲臺馬坊樓房添建油漆馬坊外有房各二間任住持收屋租爲檢蓋香燈之費

府文廟 道光丙申年奉各 上憲諭令各屬捐貲重修
攸縣奉派捐銀貳仟兩合邑紳士捐銀壹仟兩尹高
鵬捐錢貳仟串以足其數

續增書院捐項

一原詳紳士蔡貽陽等共捐銀三千零二十兩發商毛
源豐等承領按月一分生息因銀店脫逃無從着追
後合邑復捐共錢三千二百串十三年又增捐八百
串共四千串一並發交典商週年一分生息共該利
錢四百串由書院首士支領轉交儒學散給生童膏火
一原詳紳士余鴻等公置湘潭縣新碼頭舖屋二棟因
道光七年被火焚燒諭飭首士查明另換佃商王益
興等墊銀修復每年共議舖租銀一百兩內除十二
兩交看守新碼頭蕭宜祥收領每年共完銀八十兩

一生員余宗燮於道光七年呈請雲都地各渡水渡田租二處共一百零四桶前據佃戶具稟業飭首士查明佃戶朱琴章耕每年止納錢六千文

一生員單煥訓於道光七年呈請星都地各鎮塘田租六石佃戶劉和息耕認狀每年止納租三河石三桶一吳有芳於道光八年呈請景都毛陂壩田租十六石四斗佃人蔡受益耕

一僧澄清控告周國仕一案於道光八年審訊斷令屬國仕互爭高坤田並寺觀每年納租十石佃人劉雲從耕

一據首士余仁坦等具稟書院安都地名打牛塘田租十五石因係硤業荒田租空無收公商轉何祠僧受價五十千文業據九升昆店具領每年一分生息每月呈繳今昆店逃走呈請無從着追

一書院田屋冊內載前縣行捐買泰都龔家橋舖屋十九間每年租錢五串歷今四十餘年屋已倒塌公署未行修葺劉來鳳子孫稟稱已贖轉卷案因大水漂失租錢無從着追報銷亦屬空文今劉姓戶長劉遠勝捐錢貳拾串入書院請刪除此項批准自後永消

檔案

攸縣志卷十八

知縣事 建水趙勤纂修
仁和萬在衡

風俗

山樸市玩因所居而移顧厚陸忠由所習而化是故
十室之邑衡宇動其流連百年之宗衣冠於焉眎睠
幸淳風未遠斯舊俗常新攸據衡山之陽實惟湘川
之輿神鄉勝賞久揭秀情於道元容水芳流尚溯攸
輿於漢代固知敬松愛栝葱蔚名區暨獨十姓百名
里邱成聚參岳陽風土之記或闕有遺校荆楚歲時
之書可述而志志風俗

士習 攸士夙尚禮法。雖燕見必以禮。昔時鄉先輩
多工楷篆。嫺操縵。春秋佳日。過從談藝。卽楸枰之下
無惰慢者。清規雅致。今尚聞風生慕。昔時學者文
課尤盛。每月一課。屆期拈題角藝。甲乙不少。假陳春
江太史。曾言少時識隱士皮牧。能宗臨川兩太。而不
應試。亦文課中特立者。蓋吾攸自陳桃文先生。以六
經左國漢魏之文。踴厲大湖南北。當時流風未艾。師
友淵源。由來有自。卽太史緒言。猶可想見其概。今則
逢課期。祀三聖。並朱子。每逢誕日。學者各以儕伍聚
會。肅將不懈。叙年譜。篤友誼。畏聖言。敦善行。其賢者
爲可嘉尚云。

民風 攸向頗稱淳厚。不尙狡獪。鄉間距縣治遠處
垂白之叟。有未入城市者。其少年不諳博塞之戲。歌
板之音。訟者每始躁終柔。故易與爲治。鄉先生恪共
以先細民。能順於有司。而不生怨讟。風尤近古。溺
女一節。攸亦不免。近則詩禮家。頗用爲戒。第向來習
俗相似。未能盡革。有心者宜將武陵貴公中孚所撰
戒溺女文。廣行刊佈。

農事 攸多早稻。準以蔦掩之。別楚地則衍沃居什
之六七。布穀鳴犁。耙上岸。皆寬鄉早稻區也。且陂堰

時繙當稻獲雲空可再種大豆蕎麥惟山溪梯田候
遲水冷晚獲不再種向來服疇者自食其力恆產固
多不匱卽佃戶良者亦時成與族今則田價日昂田
租不得不增兼以僑耕者衆不諳土宜轉碍土著計
終歲勤動良農未必盡豐其勢然也

女功 紡績一也攸俗綦勤秋收甫竣卽比戶從事
其紡車一名搖車華燈竈觚無倦於勤漢志所云一
月得四十五匹不虛也布通行潭醴及江右吉袁貧
者耕不足恃恆賴此支半載食用至富室則紡績餘
閒兼工刺繡亦不害女紅它若養蠶采葛邑西間有
之然爲者無幾其利亦薄

工役 攸界江右工役多吉袁人邑中惟北鄉攻木
之工間有巧匠其尤者恆遠涉漢鎮居肆成器他如
埽埴陶冶及一切工作皆不過濟公私建造器械之
需罔有奇技眩俗又石工多同郡瀏陽人邇來好義
士夫修路造橋繼踵接軫故石工亦無虛日
商賈 攸民鮮逐末凡列市廛操奇贏客商客賈十
居其九惟販運米穀往來衡湘下洞庭多係土著之
人且攸邑銀錢所由不匱亦止恃此米穀流通倘不
外散則農有宿廩財用卽不濟其他夏麻苧冬茶油

查攸邑亦市
廛之富商小
販客籍居多
尤以衡山人爲
最以其接壤
易通有無故
也

亦皆客商應時販運而已

飲食 昔在先民。市無羣飲。筵鮮盛饌。卽吉禮。讌賓。生辰介雅。莫不攝以威儀。節而有制。後乃稍從其。於是孝廉陳泰初。刊崇儉約。以示誠意。良深也。今則一歲所費。倍蓰疇曩。下至水族細微之產。咸登於俎。昔尉遲樞南楚新聞紀。抱竿之羹。以今方之。庸足異乎。夫毋貪口腹。而恣宰殺。格言三致意焉。是又不獨崇儉。非迂談矣。 戒食牛犬。攸邑士子。奉行最篤。邇來鄉閭。亦時倡議。禁止屠牛。然實力禁止。卒鮮。每當秋成報賽。里社演劇。尤易乘便。其他四鄉。接壤鄰邑。僻處亦多難禁。須各都善士。公同嚴禁。至於約定俗成。庶可歷久不渝。

衣服 服以章身。君子恥服其服。而無其容。然奢之弊。乃彌甚。攸界衡山之陽。昔時士大夫家居。非嚴寒不御裘。今關中裘商來攸。歲可得銀萬餘兩。其他錦繡之運。自蘇杭及嶺南者。則又倍之。計一歲中所費數萬金。而布帛不與焉。究之布帛之安吉。終莫能易也。知而慎之者。當有說以處此。 嗜好 水沉滯則民好貞。水清勁則民好正。所謂繫水土之風氣也。攸水西流而清。故其民聰慧好文。谿

回浦靜。故其民柔順好禮。或謂文勝則流禮。勝則襲其弊。爲忠信之涼。是則存乎化導。有方而鄉先生之躬行。尤有足以潛移而默率者。

冠禮 儀禮首士冠。古者士之子恒爲士。十五入小學。十八入大學。二十而冠。冠者非美其容也。責之成焉。攸人土薰陶禮教。沐浴儒風。嫻以少儀三加。弗泥於古。勗爾成德四行。務責諸躬。或發藻於英齡。韋弦自飭。惟正容兮元服。觴醵何譏。是以俎豆莘莘。冠裳濟濟。恪循

功令。固品秩之攸區。化洽縉紳。羌威儀之是攝。凡茲弱

冠。視此權輿。

昏禮 漢儒之言曰。昏媾之禮正。然後品物遂而天命全。攸於昏禮。爲得其中。他處納徵有過侈者。不合。周禮純帛無過五兩之義。攸俗從簡。稍豐者俱無浪費。他處女氏送女者輿從紛沓。款接不贖。不合儀禮。享送者一獻之義。攸俗先期具柬。敦請親迎。後乃至。至者丈夫。而婦人不越境。他處合卺多用釋道。不合儀禮。用贊之義。攸俗擇尊輩首妻全具者二人相禮。此數者揆之禮經。皆協。其他抱養童媳。儀與費俱省。則貧窶之家。各從其便。中外之親近於同姓。攸俗

有舅姑之子爲昏。或疑其不知禮。考之朱子語類。周堯卿會以是爲問。朱子曰。從古已然。則亦有不必要過泥者。同姓不昏。遠別也。攸俗有以族望各著而爲昏。考之於古。如宋孔氏爲子姓。衛孔氏爲姑姓。晉欒氏爲姬姓。齊欒氏爲姜姓。氏同而實非一姓。斯無可疑。若今則姓氏久混。宜慎其所可知者而已。家貧子壯出贅。世固有之。攸俗有以贅婿爲嗣。考之於史。魏陳矯本劉姓。出嗣舅氏。吳朱然本施姓。以姊子爲朱後。皆緣媼爲嗣。而非贅婿。惟范致明岳陽風土記云。湖湘之民。生男多作贅。生女反招壻。男子爲婦家承門戶。無怨悔。則楚南之俗。似早有類此者。要之。嗣者其情艱。或無可奈何。而偶出乎此。則禮經所無。事容有之。

喪禮 慎終大事也。士喪禮詳矣。而習俗各殊。他處初喪。或羣聚列坐。鼓吹達旦。謂之伴夜。攸則惟孝子恪居喪次。苦塊不離。他處或尅期閉弔。張譙羣歡。攸則惟計告親友來奠。備餐而已。不設盛饌。第薦信浮屠一節。士大夫不免。往往用僧道持齋誦經。云爲死者減罪。雖不若他處孝子沿街隨僧迎經。或作人物戲具。無端侈費。而積習已久。天堂地獄之說。牢不可

破不其感歎。君子所貴乎喪者以其內心。是故父在爲母杖期。女子嫁爲父母期。所殺者三年之文。而三年心喪之實則如故也。攸士服制最謹。凡屬大功小功。俱不敢華靡厥躬。則三年之喪。其自致可知。筮宅詳於儀禮。家人掌之。周官無有後艱。無有近悔。未嘗不謹重焉。乃後世溺於形家者言。百方營求。以圖吉壤。越月踰時而不克葬。則攸俗亦徃徃不免。宋謙父曰。世人盡知穴在山。豈知穴在方寸間。好山好水。世不欠。苟非其人。尋不見。我見富貴人家墳。徃徃葬時皆貧賤。迨至富貴。力可求。人事盡時。天理變爲人子者。可以省矣。攸俗於墳塋。有三善。世族墓地最嚴。砍伐松柏成林。望之蔚然。此一善也。清明祭掃。瞻拜維虔。應時修築。免致倒塌。此二善也。誌石墓碑。不在禁例。生庚歿葬。年月坐山。朝向四至。刊刻垂遠。此三善也。

祭禮 朱子家禮。時祭用仲月前旬。卜日或丁或亥。盂詵家儀。用二分二至。文公謂於事亦便。攸俗則春用清明。秋用中元。屆期洒掃祠宇。虔備牲醴。罔有恪共家禮。以清明中元爲俗節。有時食之薦。今既沿爲定期。自可不須卜日。攸俗有花朝祭。考唐代洛

陽以二月二日爲花朝。宋時東京以二月十二日爲花朝。今以二月十五日爲花朝。惟是祭不欲黷。倘清明中氣亦在仲春。將旬日間。兩舉祀事。數則黷矣。第相沿已久。於追遠之義。要亦不悖。攸俗冬至祭最盛。此禮創自伊川程子。所以祭初祖也。朱子則曰。始基之祖。只存得墓祭。蓋朱子嘗疑其僭而未敢行也。今旣易墓祭爲祠祭。雖陽至專祀。非有加於土庶常儀。第循分以伸其仁孝之忱。則亦禮之可通行於上下者。其他生辰忌日墓祭。各從其便。總之無薄於追遠者。皆俗之厚也。

音樂 攸士夙工韻語。而詩餘未有名家。至詞變爲曲。嫻者尤少。凡四聲二十八調。有令有慢。有犯有賺。有歌頭。有促拍。有攤破。有摘遍。有轉調。有偷聲。今之南曲。莫不按譜協律。含宮咀商。而攸俗歌板之師。不出儒家者流。故少佳製。惟昔時鄉先輩。妙解琴理。往往撫絃動操。逸興遄飛。有名材則什襲珍之。如春江太史所記天趣樓古琴。可見一斑。

歌謠 騷人墨客。吟咏風土。爰有竹枝。其詞詼諧。若乃民間歌謠。出乎天籟。亦往往有樂府清商之遺。采而輯之。於以觀民風。攸俗歌謠不多見。茲錄數首。聊

志其概。宛轉歌。月出高花氣。雲鬢掠。裘回洞房。
調三弄。聲聲暗逐流水。遙歌宛轉。宛轉花上絲。鳳子
不敢近。絲絲繫花枝。賣菜兒。阿婆摘園蔬。兒肩
街西賣菜把不值錢。蟲穿菜葉壞。幸得公家好。兒名
簿除挂。阿婆率其兒。灌園古木柴。涼風催歲暮。願洗
尋常債。鴨脚乾。有鴨脚雙雙。脚短身有餘。竟日
蔭墻角。飛不得水溝。雙脚踏乾地。印沙畫輕灰。羣雞
偏亂叫。使鴨唵而呿。鴨行入其羣。鴨坐低頭思。
祈禳。土地之神。在縣治有社壇。鄉則有土地祠。一
名福王祠。民率數十家爲一社。攸俗謂之團。團者聚

也。每歲季夏合團致祭。卽社爲民祈意。第古者祈在
春。而茲在夏。則以季夏土王。於義亦協。又立春後五
戊爲春社。立秋後五戊爲秋社。攸俗於春社日不動
土。農人皆釀飲爲歡。他處多於是日祭社神。攸惟禁
止動土而無社祭。凡僧道設壇祈禱曰醮。攸俗於
秋成後。鄉間各團。消吉修章設醮。蓋報賽而兼致祈
禱。至城市設醮。其儀尤盛。道家又有南斗六司星
君。北斗解厄星君名目。世傳南斗注生。北斗注死。東
嶽之神。奉行兼掌之。攸俗於六月禮南斗。自朔日至
初六止。於九月禮北斗。自朔日至初九止。士夫虔誠

者尤多。第天上。有斗心。上亦有斗。斗齋之期。自心齋之期。若能長葆善根。克證善果。庶乎不差。古者龍見而雩。謂角亢立夏後昏見東方。祭天祈甘雨。此禮之盛者。不下逮。攸俗則于孟夏之月。鄉村各有雨會。每團合錢。禱雨於土地祠。於時耘耔甫畢。禾苗待雨而長。其儀雖簡。於禮無悖。季冬小除。夕祀灶。惟謹。相傳灶君是夕子時上奏天曹去。至三十日回位。按月令孟夏祀灶。儀禮尸謬。祭饌爨以報先炊者之功。則鄭康成所云。灶神是老婦。古始炊者爲協。而灶神名隗。又姓張。名單。又名壤子。見於酉陽雜俎。民間祀司命。刻木爲像。見於風俗通。夫司命文昌星也。今灶神謂之司命。蓋以其司人間善惡言之。與風俗通所言自別。若雜俎標舉姓名。亦據所聞紀之。未可槩論。要之。灶列五祀。必有其神。夏爲火王。自應祀灶。今易爲歲除。則以日監在茲。歲終酬答。禮亦宜之。古者八蜡。逮於昆蟲。五祀達乎鄉閭。其民抱慙含淳。其享祀抒誠表悃。無有天宮淨土地獄惡趣之說。爲之怵誘。而彰善癉惡。昭布森列。其理自不可誣。沙隨程氏所云。神饗馨香之薦。交歸其德。不爲妖厲。舉由此也。自二氏流衍。誘於福者。不知福生乎善。怵於禍

者不悟禍積於惡。于是祈禳日興。樸誠日遠。將以敬事迎禧。佑助昌時。其道安從。是莫若因其所誘。與爲歡欣鼓舞。以進於善。因其所怵。使之恐懼。修省以去夫惡。則爲祈爲禳。不必易其俗。而祈焉禳焉。早已洗其心存彰瘳之思者。尙無忽諸。

村市墟期。古者貨物輻湊處。謂之務。今謂之集。又謂之墟。考青箱雜記。嶺南謂村市爲墟。柳子厚詩云。青箬裹鹽蹄。峒客綠荷包飯。趨虛人。虛通墟。則村市名墟。由來久矣。攸邑村市。南淶田。西小集。北鴨江橋。東鳳巖。中央新市。每月或三。八日爲期。或二。六。九爲

期。其他小聚村落。亦有墟期。率不外此。

歲時。立春日迎春。東郊攸俗。於是日裝飾小男女。扮演古人。用雲臺架昇出東門外。結隊繞城。又視土牛。青黃白三色所附。以定歲之水旱。視芒神煖耳之提且戴。以定歲之寒煖。戴而煖。提而寒。

附土牛式。胎骨用桑柘木。身高四尺。按四寸。長三尺六

寸。按三百六十日。頭至尾長八尺四寸。按二十四節。牛色以本年

爲法。頭角耳用本年天干。身用本年地支。蹄尾肚用

納音。天干甲乙屬木。色青。地支亥子屬水。色黑。納音如甲子年。立春納音屬金。用白色。餘倣此。

籠頭拘索。以立春日日干爲籠頭。色拘用桑柘木索。

孟日用麻。謂寅申巳亥日。仲日用苧。謂子午卯酉日。季日用絲。謂辰戌丑未日。

未造牛以冬至節後辰日於歲德方取水土。甲年東方甲位

乙年西方庚位 丙年南方丙位 丁年北方壬位 戊年東南方戊位 巳年東方甲位 庚年西方庚位 辛年南方丙位 壬年北方壬位

癸年東南方戊位

芒神式服色用立春日支辰受尅為衣色尅衣為繫

腰色。如立春子日屬水衣取土尅水用黃頭髻用立

春日納音為法。金日平梳兩髻在耳前木日平梳兩

後左髻在耳前火日平梳兩髻在耳前土日平梳兩髻在耳

前左髻在耳後春時為法。從卯至戌八時鞞耳用立

陰時右手提從亥至寅四時掩寅時揭從左邊子丑二時全戴蓋寅亥時

鞋袴行纏以立春日納音為法。逢金水繫行纏鞋袴

左木行纏右闕繫在腰右水日俱全火日俱無土日著袴無行纏鞋子

為法。寅申巳亥老子午卯酉壯辰戌丑未幼

元旦日味爽啟門向吉方出行設香案於庭鳴金鼓

燃香燭敬神祇謁祖先然後少長以次團拜旬日內

族姻互相投箋曰拜年

上元城市自初十日至十五日每夜張燈爆竹喧填

又用紙畫彩舡輪年分值用歌郎鼓吹達旦十六早

焚於江湖即古人儺禮遺意

元夕祀竈神謂司命自先年小除夕上詣天曹奏人

間善惡。元夕始歸。

二月花朝日。民間男女稚者歲餘畜頂髮。稍長者十
二三齡。畜鬢髮。名曰禁頭。

三月三日。城市居民出東郊外水濱禊祓。遂陟靈龜
峯祀元帝。相傳元帝以是日生。

清明日。人各於祖塋處掛帛。行祭掃禮。

四月八日。爲浴佛節。造烏飯。謂之青精飯。用稗米以
陽凍葉浸黑。禪林尤盛。

立夏日。民間食鴨蛋。並相餽餉。此俗他處絕少。惟鄴
中記云。寒食日。俗皆畫鴨子相餉。寒食與立夏相去
不遠。或其遺意。

五月五日。爲天中節。懸蒲艾於門。瓦和雄黃酒飲之。
用菰葉裹角黍投之江中。以弔三閭。龍舟競渡。亦沿
楚俗。自五月初一至端午日止。

六月六日。俗皆於是日曝書及衣物。諺曰。六月六日
陰。牛草貴如金。又占是日陰。初秋多溽暑。

六月早稻熟。擇寅卯辰巳日薦新。以龍虎蛇兔不食
穀米也。殺用魚以與餘音近。忌雞以與飢音近也。

七月七日。婦女採柏葉桃枝煎湯沐髮。
七月十五。爲中元節。自十日至十五日。各家設祖先

中元祀祖。衝俗
自七月七日
至十五日。俗
起待考

位早晚供羹飯如生前剪楮爲衣

裹束紙錢焚送之僧家舉盂蘭盆會

八月十五以中秋月餅相饋遺是

來夜月之明晦占

九月九日出郊外靈龜峯登高是日

人家皆汲泉釀酒謂之重陽酒

十月朔日展墓如清明禮草宿者除之土場者培之

十一月長至日士庶家各入祠祭初祖

十二月初八日雜粿栗爲粥謂之臘八粥是月民間

多請道流誦經宰牲以報歲功

二十四日爲小除是夜祀竈甚謹

歲除是日換桃符門神春聯向夕酬神祇祀祖先率

家人宴飲曰團年圍爐達旦謂之守歲

鄉飲酒禮凡府縣每歲遵照會典正月十五即十月

初一日於儒學行鄉飲酒禮

儀注主府知府縣知縣如無正官佐貳官代位於東

南大賓以致仕官爲之位於西北僎賓擇鄉里年高

有德之人位於東北介以次長位於西南三賓以賓

之次者爲之位於賓主介僎之後除賓僎外衆賓序

齒列坐其僚屬則序爵司正以教職爲之主揚觶以

罰贊禮者以老成生員爲之前一日執事者於儒學

之講堂依圖陳設坐次司正率執事習禮至日黎明

執事者宰牲具饌主席及僚屬司正先詣學遣人速

賓僕以下比至執事者先報曰賓至。主席率僚屬出迎於庠門之外。揖入。主居東。賓居西。三讓三揖而後升堂。東西相向立。贊兩拜賓坐。執事者又報曰僕至。主席又率僚屬出迎。揖讓升堂。拜坐如前。儀賓僕介至既就位。執事者唱司正揚觶。執事者唱司正由西階升詣堂中北向立。執事唱賓僕以下皆立。唱揖司正揖賓僕以下皆揖。執事者以觶酌酒授司正。司正舉酒曰恭惟。

朝廷率由舊章。敦崇禮教。舉行鄉飲。非爲飲食。凡我長幼。各相勸勉。爲臣盡忠。爲子盡孝。長幼有序。兄友弟

恭。內睦宗族。外和鄉里。無或廢墜。以忝所生。讀畢。執事者唱司正飲酒。飲畢。以觶授執事。執事者唱揖。司正揖。賓僕以下皆揖。司正復位。賓僕以下皆坐。唱讀律令。執事者舉律令案於堂之中。贊禮引讀律令者詣案前北向立。唱賓僕以下皆立。行揖禮如前。讀畢復位。執事者唱供饌案。執事者舉饌案至賓前。次僕次介。次主。三賓以下各以次舉訖。執事者唱獻賓。主起席北面立。執事斟酒以授主。主受爵詣賓前。置於席稍退。贊兩拜。賓答拜訖。執事又斟酒以授主。主受爵詣僕前。置於席交拜如前儀。畢。主退復位。執事者

鄉飲酒禮圖

唱賓酬酒賓退僕從之執事者斟酒授賓賓受爵詣
主前置於席稍退贊兩拜賓僕主交拜訖各就位坐
執事者分左右立介三賓衆賓以下以次斟酒於席
訖執事者唱飲酒或三行或五行供湯又唱斟酒飲
酒供湯三品畢執事者唱徹僕候徹僕案訖唱賓僕
以下皆行禮僕主僚屬居東賓介三賓衆賓居西贊
兩拜訖唱送賓以次下堂分東西行仍三揖出庠門
而退 律令凡鄉飲酒禮序長幼論賢良別奸頑其
坐席間年高有德者居上年高淳篤者並之以次序
齒而列其有違條犯法者不許干與良善之席違者
罪以違制敢有誼諱失禮者揚觶者以禮責之

東僕位在出

正司

正

讀揚觶生

正車

案

律

吹笙所 歌詩生

明倫堂

案

位

案

西正賓位

讀

正

司鐘鼓生

鼓

正

供酒饌生

古者鄉飲酒禮四今

國朝會典所頒主於正齒位而一歲再舉異乎漢之僅行於孟冬唐之僅行於季冬蓋孟陬獻歲耒耜未興至於陽月禾稼已納因其寬閒恬愉與之揖讓升降使知尚齒尊賢而孝弟忠敬油然而生於目擊心諭之下其制尤爲詳善故觀于鄉飲而禮教行焉化民成俗斯其要矣攸邑高年耆老昔之以淳厚與鄉飲爲正賓介賓多注舊志人物卷內累書不一書其姓名可核也邇來鄉飲不行遂未有趾美者其曩時賓介歲月既遠無由詮次附紀其畧如此

鄉約

嘉慶四年十二月奉

上諭各省地方有司每逢朔望日傳集民人宣講

聖

諭廣訓之事。如果膺民牧者能教以大義。於國家設立科

條。摘其大端。剴切宣示。俾圍聽之民。知所領悟。則不但循謹良善。聞而忻慕。卽桀驁不馴之徒。亦當知所歛戢。况地方大小官員。有教育斯民之責。豈可視爲迂濶。置之不講。嗣後不但朔望宣讀

聖

諭廣訓。當明切講論。及公堂聽獄。赴鄉勸農時。皆可隨時

誨導。啟發顓蒙。庶默化潛消。可漸收易俗移風之效。

毋得視爲具文。虛應故事。特此通諭各督撫督率所屬實意奉行。於化民成俗之道。朕實有厚望焉。
嘉慶九年

欽定禮部則例。凡直省府州縣鄉村巨堡及番寨土司地方。設立講約處所。揀擇老成者一人。以爲約正。再擇樸實謹守者三四人。以爲值月。每月朔望齊集耆老人等。宣讀

聖諭廣訓及

欽定律條。務令明白講解。家喻戶曉。該州縣教官。仍不時巡行宣導。如地方官奉行不力者。督撫查參。

講約儀注

一約正副講贊諸人。須豫議分期輪管。當講前一日。該管人於講所打掃潔淨。各如式陳列。司鼓者擊鼓三通。同約畢。至知縣先向

聖諭香案前行禮畢。拱立於旁。然後司贊司鐸亦向案前行禮畢。各分東西對立。司贊唱排班。各依次列齊。四拜畢。再唱跪宣。

聖諭司鐸者振鐸高聲朗宣。宣畢。再唱肅靜聽講。司講至講案前。每人一欵輪講。通講畢。司講北面一躬退立。司磬擊磬三聲。司贊唱徹講案徹畢。再唱合班約正以

下俱向

聖諭香案北面站齊。再唱平身禮畢乃散。

一約正副爲一方袖領。苟非其人。生事擾衆。滋詬釀爭。不惟無益。而又害之矣。必須舉年高德邵品行端方里中欽服者二人。一爲約正。一爲約副。

一約贊亦須公直強幹禮儀熟嫻者二人。

一約講必須曉暢文義聲音嘹亮者二人。

一司鼓司磬者隨時擇用。

一香案講案皮鼓方磬各如圖置辦。

一每月初二十六日會講。俱於辰時齊講。所午時講。

完。講畢卽散。庶無參差。

附記。籍雍正七年奉部覆准。凡州縣城內及大鄉村擇一寬閒潔淨之處。設爲講約所。約正值月置二籍。德業可勸者爲一籍。過失可規者爲一籍。值月掌之。月終則以告於約正。而授於其次。每月朔日約正及耆老里長皆至相對。三指衆以齒。分左右立設几案於庭中。值月向案北面立宣讀。

聖諭廣訓推說其義。剴切叮嚀。使人警悟。通曉未達者仍許質問。講畢於此鄉內有善者。衆推之。有過者。值月糾之。約正詢其實狀。衆無異詞。乃命值月分別書之。值

月遂讀記善籍一遍其記過籍呈約正及耆老里長
默視一遍皆付值月收事畢衆揖而退歲終則考校
其善過彙冊報於縣官縣官設爲勸懲之法有能改
過者一體獎勵使之鼓舞不倦

縣官親臨講圖 首領並合屬雜職

司鼓 佐貳

教官

鄉民聽講

縣官

木鐸

香 約贊 約正 講 約講 二人輪講

聖諭 條六十

案 約贊 約副 案 約講 以節勞逸

鄉官

木鐸

舉人

司磬 磬

監生 生員

鄉民聽講

雜職官省祭吏承

縣官不至講圖

司鼓 鼓

監生

鄉民聽講

鄉官

木鐸

香 約贊 約正 講 約講

聖諭
條六

案 約贊 約副 案 約講

舉人

木鐸

司磬

生員

鄉民聽講

恭讀

聖諭十六條廣大精深修身齊家之道遷善遠罪之方總不

外此昔睢州湯文正公撫江左其告諭曰古昔盛時
士有庠序學校以樂其羣民有比閭族黨以萃其渙
禮讓興行風俗樸茂邇來父兄之訓誡不先里黨之
薰陶無素因之一善未聞多以惡敗今吳中俗尚浮

華人情囂詐欲挽回末俗馴致醇良條約頻頒未見
省改中夜思維人心本善豈盡下愚不移從容漸摩
自當感動鄉約之法最爲近古官吏定期每月朔望
會集士民於公所選年高有德爲鄉人所重者敬謹
講說平居無事互相叮嚀共存天理共守王法敦尚
樸實解息忿爭旨哉言乎俗之淳也非一日之故而
要自敦尚樸實始樸實則有恒有恒則可久急賦稅
均力役此田宅之所以可久也非其有不取非其力
不食此貨財之所以可久也爲下不倍在醜不爭不
叛親不侮賢此鄰里宗族之所以可久也優游漸漬

觀感興起夫然後鄉約成教而浮華竄詐不戢而自
消庶無負

聖朝尚德緩刑化民成俗之至意爾

攸縣志卷十九

兵制

攸爲古潭州偏隅雖上通嶺表旁界豫章而非水陸
之衝明代無營官每歲秋冬講武有司帥民壯弓兵
於較場演習而已

國朝始設把總用資鎮壓其北抵醴陵十舖南抵茶陵
兩舖並無塘汛故望樓烟墩亦可不設際茲引養引
恬夜扉不闔廣輪數百里其有備無患槩可知也志

兵制

知縣事 建水趙勳纂修
仁和萬在衡

武職

專防把總一員駐劄攸城

兵目

弓兵九名 明隆慶以前舊額五十名萬歷三年裁

二十名撥十名衡山草市司

國朝裁十一名

把總 徐宏達康熙五十六年任 盧震乾隆九年任

梅文選 長沙行伍 十二年任

盧光明 善化行伍 乾隆四十四年任

張士文 長沙行伍 乾隆五十二年任

馬永泰 善化行伍 乾隆五十四年任

萬榮 善化行伍 乾隆五十七年任

由世得 善化行伍 乾隆五十九年任

吳承章 長沙行伍 嘉慶三年任

葉大槐 巴陵行伍 嘉慶五年任

陳錡 湘潭行伍 嘉慶二十三年任

民壯附紀

民壯何昉乎。自明正統末。因屯衛虛曠。始令郡縣選民壯。別乎衛兵而爲民兵。宏治中。制里簽二名或四五名。有調發官給行糧。亦民壯也。正德中。計丁糧編機兵。銀人歲食至七兩有奇。悉賦之民。謂之機快民壯。自是屯衛以轉漕爲任。機壯以守禦爲務矣。其後民兵不足。召募倍糴以爲長征之軍。於是民壯不過爲郡縣應役。有兵之名。無兵之實。攸民壯明代原額三百名。嘉靖末。增設南鄉大洲堡屬茶陵衛官鎮防。歲撥民壯二十名助守。萬歷末。實存正官民壯五十名。每名工食銀七兩二錢。

國朝汰除冗費。順治十六年裁減三十名。存二十名。每名工食陸兩。則固應役之民壯也。雍正十二年裁四名。乾隆七年裁一名。於是本縣應役民壯。以十五名為額。歲時較場演習。則皆與焉。循名核實。民壯弓兵。相輔而行。責歸守禦。不可易也。攸近者民壯一役。率皆皂隸混之。循其名則曰此皂班也。彼壯班也。核其實則簽差服役。彼此一轍。無以異也。既無異矣。猶欲藉口民壯。可乎。不可。現奉部文。歲修器械。以時校閱。庶幾選充者。知自免於惰窳。食糈者。益共勵夫操練。而凡屬簽差之民壯。當自顧身為皂隸。不得復以名目相混矣。

攸縣志卷二十

屯田

知縣事

建水趙勸
和萬在衡纂修

古者屯田。因兵屯得名。且耕且守。用省饋餼。又有營田。募民耕種。分里築室以居。其人則民而非兵也。沿及後代。無事之時。郡縣屯田。耕者皆民。不聞其用弓箭手。蓋屯營名異實同。久遂槩名為屯矣。

國朝裁汰衛所。凡無運糧衛所。俱照民田起科。海內便之。攸邑屯田。舊屬茶陵衛。衛內田一千四百三十九畝。九十七畝零。攸得十之一焉。其原額及額外田若

干糧若干。則例具在。按籍可稽也。志屯田。

原額中則屯田二百八頃六十九畝一分五釐二毫
每畝科秋糧六升五合該糧一千三百五十六石四
斗九升四合九勺每畝科條銀二分五釐該銀五百
三十三兩八錢七釐零

原額下則地一十一頃五十一畝九分每畝科糧八
合六勺該糧九石九斗七升九合九勺每畝科條銀
三釐四毫該銀三兩九錢二分七釐零

原額下則塘七頃六十七畝九分三釐每畝科糧八
合四勺該糧六石六斗五升三合二勺零每石照前
則倒該銀二兩六錢一分八釐零

以上茶陵衛原額田地塘二百二十七頃八十八畝
九分九釐零除乾隆七年夏被水災石磊沙壓失額
地一十畝實成熟田地塘二百二十七頃七十八畝
九分原科糧一千三百七十三石一斗二升八合一
勺零除乾隆七年水災失額糧八升六合六勺零實
成熟糧一千三百七十三石四升一合四勺零
原額屯條銀五百四十兩三錢五分三釐零除乾隆
七年夏被水災失額銀三分四釐零實徵銀五百四
十兩三錢一分九釐零

又康熙三十年丈量案内額外丈出下則成熟屯地塘二十頃四十二畝三分三釐零科糧一十七石六斗九升四合四勺零該徵屯餉銀六兩九錢六分三釐一毫零

康熙四十六年額外自首下則屯地六十七畝五分科糧五斗八升四合八勺該屯餉銀二錢三分一毫雍正七年丈量案内額外丈出下則成熟屯地塘一十五頃八十三畝二分零內除地塘七頃九十四畝五分零抵補丈出中則屯田一頃五畝九分一釐零實丈出地塘七頃八十八畝六分九釐零科糧六石八斗三升三合一勺零該徵屯餉銀二兩六錢八分八釐零

雍正十年額外首墾屯田地塘七頃四十六畝五分八釐零科糧四十四石五斗三升三合五勺零該徵屯餉銀一十七兩五錢二分四釐八毫零

雍正十二年開撥茶陵州寄庄地名小集中則屯田五頃九畝二分六釐零每畝科糧六升五合科糧三十三石一斗二合零每畝科銀二分五釐零該屯餉銀一十三兩二分六釐零

原額人丁三丁每丁徵銀一錢額徵丁銀六錢內除

乾隆七年夏被水災隨糧失額人丁一絲八忽失額無徵丁銀三絲六忽實在人丁二丁九分九釐九毫實徵丁銀五錢九分九釐零

康熙五十年以是年丁冊定爲常額雍正七年定例隨糧帶派

又開撥茶陵寄庄隨糧屯丁二分五釐四毫零每丁二分派徵該隨糧丁銀五分八毫零

以上原額及額外並開撥茶陵寄庄小集屯田通計屯餉丁銀五百八十一兩四錢三分七釐零除水災失額銀三分四釐實徵銀五百八十一兩四錢三釐

原額開丁四十五丁每丁徵銀二錢該徵丁銀九兩又康熙二十八年編審新增開丁一丁該徵丁銀二錢雍正十二年開撥茶陵州寄庄開丁五丁每丁徵銀二錢該徵丁銀一兩

三共開丁五十一丁共該徵丁銀一十兩二錢乾隆三年定例隨糧帶徵

附論

漢自文帝時晁錯建言募民實塞下與以田屋已開屯田之先武帝時通西域復輪臺置營田校尉已有營田之名至昭宣定屯田制以兵留耕取所獲饟兵謂之屯田東漢置農都尉主屯田所屯多在元菟湟中伊吾等處而荆楚南北未有屯也惟順帝陽嘉元年傅燮爲漢陽太守開屯田列四千餘營荆楚屯田其昉此歟晉杜預在荊州襄陽修召信臣遺跡激洙清諸水浸原田萬餘頃公私同利所謂公者卽屯田也漢陽襄陽皆楚北而楚南未有屯也唐開軍府以扞要衝因隙地置營田天下屯總九百九十二司每屯五十頃考其屯地在關內隴右河東河北河西外此可考者楚州洪澤屯壽州芍陂屯耳宋初惟河北屯田有兵若江浙承僞制有屯田克復後與民輸租第存其名非實有屯也楚北襄陽有屯田三百餘頃旋置旋罷至熙寧七年章惇初築沅州置屯田務楚南之有屯田始見於此蓋楚南據荆襄上游地異要衝唐宋以前屯田之務未數數然也自元代改管軍萬戶府爲軍衛內各衛外行省皆立屯田以資軍餉天下無不屯之兵無不耕之地於是楚南屯田有二

十一衛衛有二十一所明承元制撤民屯罷屯田萬戶府皆以衛軍從事其法每衛一指揮督千百戶及各旗軍且耕且守以十分爲率七分守城三分屯耕因地利以課耕耘贍師旅而省轉輸未嘗不合古制然積久生弊馴至勲貴占奪守官侵漁而屯田遂爲虛名

國朝裁汰衛所並減浮糧故屯田科徵較民田稍輕其有運糧衛所仍舊派徵無運糧衛所照坐落州縣民田例一體起科至是而元明積弊廓清無餘蓋嘗論之自兩漢至魏晉屯田或以備邊或以備敵

其事重大而經畫者悉材畧之臣唐宋以來府兵各統於鎮廂軍各隸其州然非要衝之地未有空設之屯卽宋承五代之舊江淮兩浙無屯之實仍屯之名徃徃有之要亦不聞置官吏滋煩擾至元代而屯田遍於羈縣軍職遍於衛所其制較前代似密而疏似重而輕要衝之地未嘗經畫合宜其非要衝地習實爲常徒滋煩擾前代屯田規模爲之一變明撤民屯專以衛軍從事仿古因農爲兵且耕且戍之法然屯耕一人受田三十六畝歲收籽粒十八石除八月糧十二石餘六石上倉計三

百六十畝僅得穀六十石所入不償所費而又有
侵漁乾沒雖以隆慶分命大臣督理萬歷嚴核完
納科條而卒不能剔其弊今衛所既悉裁汰已省
無窮冗費浮糧復行酌減益沛無窮膏澤凡非要
衝地寄屯於民不以屯擾民所謂載其清靜民以
寧一法莫良焉制莫善焉是又豈獨楚南二十一
衛屯田之蒙惠愷於永永哉

攸縣志卷二十三

舖遞

攸處長郡東境之隩秋水官橋春山驛路馬遞之役
攸無與焉惟是設卒以遞公文則十里一舖合諸顏
監郵亭之注固有不可闕者由縣治言之北達醴陵
歷十舖抵界南達茶陵歷兩舖抵界若東若西則無
舖邇者攸境道路修治辰角天根應時而歲功就蕩
蕩平平是又政舉之一端而舖遞所經更可知也其
坐落所並詳於左志舖遞

知縣事

建水趙勳纂修
仁和萬在衡

在城總舖縣治東長清街

縣治北

十里至高嶺舖

二十里至茅塘舖

三十里至側橋舖

四十里至新塘舖

五十里至石橋舖

六十里至桐樹舖

七十里至洞井舖

八十里至笙塘舖

九十里至走馬舖

一百里至長山舖抵醴陵

縣界

縣治南

十里至長春舖

二十里至斑竹舖抵茶陵

州界

各舖徭編共四十七名

永充共六名

縣治前徭編四名永充一名

高嶺舖徭編四名

側橋舖徭編四名

茅塘舖徭編三名永充一名

新塘舖徭編三名永充一名

石橋舖徭編三名永充一名

桐樹舖徭編三名永充一名

洞井舖徭編四名

笙塘舖徭編四名

走馬舖徭編四名

長山舖徭編三名永充一名

長春舖徭編四名

斑竹舖徭編四名

攸縣志卷二十五

知縣事 建水趙勤纂修
仁和萬在衡

武功

蓋聞至治涵濡大服兼乎揆奮鴻庥格被萬邦播其
畏懷遐陬來王而畢輸琛賚絕域受吏而胥效耕屯
赫聲濯靈固於今為烈矣攸境聯吳楚地屬荆湘在
往代間傳伏戎不無資夫扞禦惟

熙朝共慶止戈乃永底於蕩平軼事可徵他說時見採而
錄之亦蕭勺緒餘焉耳志武功

元

至正二十三年癸卯流寇充斥劉旻立寨天堂湖保障邑人

明

正德十二年丁丑正月郴桂獠人犯攸肆行劫掠都御史秦金自衡州督兵捕之遂解去

嘉靖四十五年丙寅土人劉庚甫爲亂設大洲堡增茶陵衛官一員

崇正六年癸酉臨藍礦賊寇攸營於對河武舉胡湛武生劉伯裳率鄉勇渡河力戰死之賊遁不敢渡

崇正十年丁丑臨藍賊復犯攸孝廉陳來學與弟吏目球學力禦死之

崇正末土人劉荒保聚衆攸北鳳凰山衡山湘潭醴陵並遭劫掠

國朝順治丁亥大兵蕩平之

崇正十七年督師何騰蛟駐長沙諸鎮將悍不用命張先璧駐攸縣麾下肆掠

國朝順治丁亥大兵至長沙張先璧走衡州又黃朝宣屯營鳳凰山朝宣死餘部負固順治庚寅大兵蕩平之

皇清

順治三年丙戌夏山賊應輔寇攸諸生陳六禮率衆

力戰死之

康熙十六年戊午削平吳逆時征南將軍穆統軍旣
節攸城

攸縣志卷二十七

寺觀

粵自白馬馱經而寺以建甘泉延壽而觀以名遂乃
廣築禪林宏開道院旃檀馥郁玉藻繽紛魏晉以來
浸淫滋甚矣方

今正學昌明鴻文炳燦不談飛步何假鍊形而梵唄新
聲金科舊錄凡通行其教者要皆各奠厥居也志寺
觀

證果寺 在城內三登坊梁天監二年檇樹禪師開

知縣事

建水趙勤纂修
仁和萬在衡

址洪武元年重修康熙十九年知縣張潛復修
楞嚴寺 在縣北康熙十八年知縣張潛建僧不浪
重修住持印月松西今廢

資福寺 距縣十里永平鄉勇禪師開址洪武二十
九年僧慶元重修乾隆二年陳子祥全住持雪玉
一庵重修

寶相寺 距縣五十里清陽鄉僧圓明開址寺有長
命燈乾隆六年太學生洪圖獅捐油燈田租貳拾
石糧名洪善僧子太學生滄書孫庠生開泮等能
承先志嘉慶十二年重立石碑永遠供佛始於僧

智桃繼之者僧靜菴佛昌

重興寺 距縣二十五里永平鄉勇禪師開址洪武
九年僧元智重修雍正己酉僧覺岸生員彭宏緒
等重修乾隆時僧次正靈光募修嘉慶乙丑復修
僧楚峯增置梵堂海晏兩都社穀倉在寺右

寶寧寺 距縣一百里東江鄉唐元和三年勇禪師
開址洪武三十年僧無瑕重修順治十二年僧萬
峯復修齋田四十八畝內十四畝賀景寰捐有碑
香山寺 距縣八十里東江鄉宋咸淳九年僧圓照
開址明洪武元年僧祖心重修嘉靖時另建易南

岡叔姪捐置香火齋田

東林寺 距縣六十里永平鄉僧圓明開址康熙十

八年知縣張潛重修雍正癸卯僧純潔重修嘉慶

丁巳僧傳巖募修

延壽寺 距縣一百二十里東江鄉勇禪師開址洪

武十五年僧玉琳重修

惠光寺 距縣四十里清陽鄉司空真人開址雍正

甲寅住持僧遠明重修

靈龜寺 距縣一百三十里北江鄉僧圓明開址僧

桂林重修

黃龍寺 縣西二十里永平鄉僧性靜建山主廖仲

元國學廖尙麟僧韻石重修

慧日寺 東鄉杜口明永樂年建嘉慶間重修山主

陳正中置香火田有碑

廣華寺 縣北一百里北江鄉崇正十三年知縣余

辨重修施田供僧賀泰崧重修佛殿十王殿

湧泉寺 縣南三十里永平鄉洪武十四年建雍正

二年住持碧照修朗重修乾隆乙卯山主單祠堯

重修

觀音寺 縣北一百里擢秀鄉乾隆元年僧引倫爵

錫重修

大塘寺 距縣九十里擢秀鄉僧道全重修

大圓寺 距縣三十里清陽鄉唐元和四年勇禪師

開址洪武三十年僧無瑕重修今廢

五峯寺 距縣五十里清陽鄉勇禪師開址洪武十

年僧海屋重修今廢

仁和寺 距縣六十里擢秀鄉勇禪師開址洪武十

三年重修今廢

普利寺 距縣八十里北江鄉勇禪師開址洪武十

三年重修今廢

黃蓮寺 距縣一百二十里東江鄉山主譚子源重

建捐齋田一十二畝五分糧名譚黃蓮住持僧慧能

菩提寺 距縣六十里清陽鄉司空真人開址今廢

善業寺 距縣二十里永平鄉勇禪師開址洪武間

僧含虛重修乾隆辛酉僧建惟修嘉慶辛未僧真

源復修 又僧祖輝於乾隆庚戌重修中棟

碧峯寺 距縣四十里清陽鄉今廢

開化寺 距縣五十里清陽鄉今廢

報恩寺 縣北四十里永平鄉成化四年僧任清重

修今廢

楚興寺 距縣一百里東江鄉勇禪師開址洪武間僧嗣隆重修

萬松寺 在北鄉距城百里乾隆辛未僧三歸建嘉慶甲子僧明機重修職員鄧朝雋等捐置器物

百禪寺 縣南五十里永平鄉乾隆丙辰僧亮日重修住持僧西州

泉源寺 縣南十里永平鄉雍正甲寅僧錫悟重修鴈峯寺 縣北一百里擢秀鄉今廢

三官寺 縣北一百里擢秀鄉南溪寺 縣東九十里東江鄉今廢

泉塘寺 縣南五十里東江鄉今廢

蓮花寺 縣北距城九十里嘉慶元年天獻華二都重修

玉壺寺 距城四十里永平鄉明監生周廷伸建有碑

慈雲寺 距縣一百二十里北江鄉禱樹祖師開址洪武三十一年僧無瑕重修今廢

祝聖寺 縣東郭外貢生譚宗元建孫貢生譚聖櫺重修

毘廬寺 清陽鄉康熙丙辰僧楚靈募山主劉瑞甫建並捐香火田十一畝供佛碑存

響石寺 僧心定三學建雍正八年僧道忍重修

嶽雲寺 縣北山主李柱李槐建並捐本處香火田七畝住持嘯菴一舟

高石寺 東江鄉建自唐朝山主生員張珀捐置齋田雍正甲寅重修

來鐘寺 潞福歐陽元玉建

普渡寺 三台洲萬歷庚辰榮昌主簿劉嘉化構康熙庚子僧瑞芷重修

大福寺 清陽鄉今廢

銅鐘寺 在石橋舖庠生易泰來捐本處香火田四畝坐石橋舖

雲峯寺 東江鄉距縣一百四十里崇正癸酉庫泉譚姓建僧安隱康熙己巳小松重修乾隆癸亥僧云克梅芳宏戒重修住持僧天淨復修自置齋田二十五畝僧見聞蕩賣嘉慶丁卯山主譚關係贖歸糧名譚供佛交僧收租納糧董理監生譚世瑛奇方生員譚雋允珍

法華寺 縣西郭外宋譚世勳世勤修今廢

石濤寺 東江鄉距縣百里康熙甲辰僧斷雲開建山主陳九高九宜甲戌僧且如開法修建住持彌芳重修

蓮花寺 在北鄉天都原名蓮花庵廢嘉慶九年劉寶翁子孫募修

川江寺 在北鄉劉樹香重修乾隆四十年住持僧福山映江元照接買重修

黃塘寺 康熙十七年僧宋眉開址丙寅僧德湛重修嘉慶元年羅文翰重修佛像

法輪寺 永平鄉距城四十里勇禪師開址康熙五十六年僧性明重修

崇興寺 在北鄉獻都陳姓捐有香火田租

雲門禪林卽十方堂 在東城外康熙四十一年紳

士文應第劉洪珠劉子照陳孝若等捐金置買於都圓湖嶺苗田三十七畝五分後墾成四十七畝五分佃袁楚輝劉輝三王國昌納租六十二石三桶糧名僧接衆呈請達 部碑監庵內住持僧乃恪遺傳徒孫修元覺先收管老契原存劉洪珠孫劉宗銘家永爲供佛齋僧之用不得擅行變賣

護珠禪林 卽小輞川在縣東郭外

金粟禪林 東江鄉崇正二年山主陳濶寰建乾隆庚申僧宗能重修

優曇禪林 西鄉夏泉距縣三十里周泉源堂捐貲

重建嘉慶二年周肇文林望映龍倡修贖置齋田二十畝

見心禪林 舊係道院亦名桂圃靖

慧宗林 縣北今廢

優鉢林 清陽鄉距縣十五里洪武中上雲橋彭友

信建天順壬午通判彭澤重修有碑

青松林 永平鄉康熙十年山主劉任遠建任遠四

世孫增置齋田三畝

霽月林 在擢秀鄉康熙癸酉成元禪師開址林外

有巖可容二人師坐禪其間沒後石巖旋開

五葉林 永平鄉康熙丁卯僧恭敏開址乾隆

丙辰僧若鑑重修自創齋田五十畝糧四石八斗

本都辦納今廢

中道林 永平鄉小集距城四十里順治辛丑開址

乾隆丙辰僧林泉重修

萬善林 永平鄉距城四十里康熙元年開址乾隆

壬戌重修

祇樹林 擢秀鄉康熙甲辰建雍正乙卯住持僧元

猷重修

雨花林 擢秀鄉距城七十里康熙庚子創建

住持僧仁奕

玉葉林 擢秀鄉康熙戊午僧映山重修

大悲林

玉帶林 在東鄉鸞山鄒家坊山主鄒善賦住持僧

觀蓮

翔鳳林 卽陳家庵順治時僧李清建乾隆甲寅僧

真鑑價接重修並置齋田二畝

慈峯仙 僧祖輝開建乾隆丙寅邑令馮偕紳士陳

士教虞龍賀承聖謝君選虞會同捐建觀音閣住

持僧德慧

小馬仙 東鄉峯高千仞唐時有僧攜杖步峯頂三

月不出鄉人異之登其峯見僧閉目跌坐竟日不

動遂建仙院於其上勝蹟猶存

歐公仙 東江鄉崇正丁丑僧見緣建康熙癸未正

念重修張淑法捐齋田三十五畝糧三石五斗糧

名僧正會並十景有詩碑住持僧石堅

大唐仙 縣東柘桑坑康熙戊子僧博文建置齋田

二十四畝邑令陳塗給匾額

大華仙 北江鄉邑士劉樹香陳聖睿重修捐香火

田六畝

龍虎仙 東江鄉距城百里山主周締遠建

上金仙 呈都昭村山主文煥宇建

嶠山 縣東

大鎔山 卽黃坤庵陳德吾建

鐘鼓巖 在物都暮塘距縣六十里空濶十餘丈前

有兩山形如鐘鼓順治時僧松巖駐此乾隆乙亥

里人置長命燈捐田四畝後巖售別都嘉慶丁卯

陳潔軒等贖轉田二畝僧見輝置田六畝有碑

觀音堂 縣西郭外僧異羣開址乾隆丙寅僧西印

月規重修

烹雪堂 證果寺東寮今廢

淨業堂 城隍廟後右住持劉畿臣建

洞靈觀 城內三登坊下唐天寶間道士尹大初開

址宋紹興三年道士唐一中建洪武二年道士王

邦泰重修

北仙觀 縣東四十里清陽鄉唐廣德間道士劉修

然開址洪武二年道士譚楚俊重建前有張司空

棟劍泉住持陳昌俊

湧泉觀 縣西南三十里永平鄉明叙州府同知蔡

思和建乾隆癸丑和裔雲龍秀川等同道士曹綱

松重修

宗龍觀 縣北六十里擢秀鄉天順丁丑開址道士陳希正建住持李以訓

陽昇觀 縣東四十五里清陽鄉梁司空張巴玉昇仙處故名唐天寶七年道士李子真建宋政和三年重建洪武元年道士洪邦道重修

龔靈觀 距城四十五里清陽鄉唐貞觀二年鍾仙芝開址道士劉雲海修

鸞山觀 距城百里東江鄉唐貞觀九年道士田居石開址丁酉道士王森然重修今廢

石城觀 北江鄉天台山上。有塔六人石基盤元至正三年廖夢建洪武中賀思元自江右遷此邑令陳邑明經彭友德俱有聯住持王鳴盛重修

斗壇觀 北江鄉山主譚進世道士陳文洛修今廢
洞虛觀 距城十五里清陽鄉宋紹興三年道士唐一冲開址永樂二年道士洪法宗重修

昭賢觀 距城九十里東江鄉唐開元六年道士黃均得開址永樂十五年道士陳同志重修乾隆十年道士蕭元昌復修

巖仙觀 距縣八十里擢秀鄉巖真人修煉處宋元

嘉間開址道士尹應章重建元豐三年主簿張天

經重修乾隆己巳山主何桂蘭重修住持譚訪宏

洞真觀 住持劉舒先

歸真觀 距縣二十里永平鄉明萬歷間重修

清陽觀 距縣四十里永平鄉廖仲元國學生廖尙

麟乾隆九年合族重修

天平觀 縣西四十里康熙辛巳住持王雲昂又

昇建乾隆丁卯陳以正彭偉文重修增置油燈田

並以正元孫譚晉觀買譚姓山林左右觀基契碑

均晰嘉慶丙子晉觀偕徒張維德彭錫璋重修

玉津觀 距縣二十五里永平鄉唐開元五年道士

陳冲霄開址住持吳雲映修

獨龍觀 縣南三十五里明杭州通判蔡承檉建捐

置田租至今像祀世佃劉

永業觀 距縣十五里清陽鄉宋紹興二年道士劉

處靜開址今廢

鹿堂觀 距城十五里清陽鄉宋紹興五年道士文

碧翁開址今廢

上觀 距縣四十五里清陽鄉梁天監二年張司空開址

洞明觀 郎白經在城北水渡僧應基募修嘉慶己

清虛觀 縣東二十里清陽鄉

三官觀 縣西三十里明洪武間山主周德元建久

壞嘉慶九年周肇文一堯重修

城岡觀 永平鄉明宏治間劉遠達建乾隆間劉文

法褚志士龍琦詔復捐田三畝糧名褚劉龍

靈真觀 東江鄉距縣一百二十里順治四年開建

斗靈觀 距縣一百三十里北江鄉永樂間建順治

五年重修今廢

金仙觀 距縣一百三十里東江鄉唐天寶時建乾

隆七年道士朱玉琢重修嘉慶癸酉道士陳衍青

倪豁中重修

甘棠觀 距城百里有雙巖內有芙蓉。冬溫夏冷祖師

座下一石如吐舌旁有二孔上細下大深不可測

成化時建今重修。住持胡步書山主譚道元

大漠觀 芝都嘉慶甲子易實卿重建預合族重修

嵩靈觀 兼都住持楊爾正建山主楊源綬

靈真觀 山主陳大乾建住持張西郊復修

松峯觀 住持易雲克建

水鍾觀 清陽鄉住持劉以瑾王以志譚以瑜修

迎仙觀 馨都聚賢山萬歷己未住持陳素宇建康

熙癸未道士吳儒簡重修乾隆五十年陳維則募
貲改建

斗壇觀 東江鄉山主譚子源建捐香火田十四畝
糧名譚斗壇住持蕭文運

陽靈觀 住持陳茂元修

高陂觀 住持吳友連修

元陽觀 清陽鄉道士朱應景建

當面觀 冲昇觀

鸞山斗壇觀 地都譚尹鄒劉四姓公所糧名譚斗
壇住持蕭振輝

七星觀 東鄉大洞山嘉慶己巳職員洪紹書倡修

白鶴觀 縣東北三十里雍正乙卯道士彭肇仕契
買基地建立乾隆辛卯道士譚綾上彭繡上重建
嘉慶辛未道士譚永颺重修

太平觀 距城四十里在兼都符竹坑乾隆辛亥符
德馨重修

松山觀 在清都距城二十五里康熙辛丑劉蒂虛
建貢生劉鴻偉撰記

松楓觀 在穀都距城八十里尹雲潔張雲寬建內
有包公殿甚靈山主賀三英文質住持胡道清楊

光文

向仙觀 坐占都乾隆二十二年職員文自新捐觀
基地並香田二畝監生文承煜等捐貲倡建塑立
司空神像歲久圯嘉慶十年自新子舒翰於舊址
上再價接文步升基地一片承煜子貢生自峻倡
捐重建住持張朝信原田二畝糧仍舊名吳黃贊
洞仙觀 在擢秀鄉穀都山田坑距縣九十里乾隆
丙辰年住持張文彩修建至乾隆乙巳年文彩五
世孫陳德本出貲修造獨管

三元宮 康熙間譚諦譚卿培捐建殿宇及東西兩

賽觀園譚培子孫重修有記 瑞葵宮

復真宮 在縣隄廟左嘉

元帝宮 縣署後三官殿側萬歷間知縣胡汝政建
三元宮署後明萬歷癸丑知縣賀納賢建修葺數屆

雍正十一年住持僧印庵募捐左建觀音堂前靈
官祠右接基地建樹德梵堂置慶都石壁嶺田叁
拾畝舖屋二棟空地園塘俱全佃黃國士耕茶亭
一所占都六輪陂田貳拾畝莊屋園塘俱全佃
譚文宗耕河都鴨塘舖田拾捌畝莊屋園塘俱全
佃王開鳳耕三處共租玖拾玖石壹桶供佛齋僧
慶祝四聖大士誕辰瘋經禮戲暨各殿長明燈貲
呈請達 部稅糧肆石伍斗坐景都冊名三官殿
新老印契叁拾捌紙呈交禮房汪興隆收執存卷
嘉慶己巳被水復修整改樹德梵堂為
乾元宮碑案捐簿各據

萬壽宮 北城內江西省客商於康熙四十六年公
建奉許真君僧簡臣募修乾隆戊午僧愚可復修

大祖院 鸞山

南極顯院 在南城內

蓮花庵 清陽鄉距縣二十里山主劉洪珠重修

一庵 在清陽鄉山主羅旦依順治二年建雍正癸
卯僧雪航重修法戒住持異燈

裁雲庵 十二三都康熙十八年僧月梅開址將田
租施與雲門接衆勒碑住持僧敏山重修

朝陽庵 在 擢秀鄉距縣六十里康熙三十三年

僧大千建乾隆丙寅住持僧雪玉重修山主

歐陽世錫

義龍庵 穀都僧豈松建乾隆己亥山主張雲林捐

雙木庵 清陽鄉今廢

大源庵 擢秀鄉今廢

照乘庵 縣東今廢

準提庵 縣東郭外

佛心庵 縣東康熙十九年知縣張潛重修

祇樹庵 縣西崇正十四年僧葦渡開址康熙丙午

僧小應重修乾隆癸亥住持僧專一復修嘉慶己
巳水圯職員余世椿捐建

東華庵 縣東

蓮社庵 縣北山主劉世愈建乾隆丁巳僧雲月重修

指柏庵 縣西今廢

白蓮庵 縣西

法華庵 縣西

迴龍庵 擢秀鄉距城四十里成化初山主周濂清

偕男茂華茂貴茂榮茂材建住持僧曉庵重修

來龍庵 縣東郭外

圓覺庵 縣東郭外僧曉悟重修

兜率庵 縣北

大士庵 縣西郭外雍正甲寅僧會司正績延重修

萬峯庵 距縣三十里

龍興庵 對河今名龍吟庵嘉靖丁亥監生余松厚

建天啓甲子廩生余士望重修

息心庵 距縣二十里今廢

蓮華庵 縣東靈龜峯下今廢

大照庵 縣東郭外康熙辛丑僧一峯重修

杯渡庵 縣東僧心一重建今廢

萬石庵 距縣六十里雲巖一足法子野舟聖生建

乾隆丁巳僧日達重修住持僧韻聲

水竹庵 僧寂悟建今廢

孤舟庵 僧又乾建今廢

志木庵 東江鄉周締遠建住持僧宗起

金輪庵 陳夢說重修今廢

心福庵 擢秀鄉距縣九十里康熙五十年僧永機

建雍正十二年住持僧石良重修

桐冲庵

法乳庵 僧山子重修今廢

大佛庵 潞福歐陽黔佐建

熟梅庵 潞福歐陽黔佐建

倉冲庵 縣西貢生譚宗元建

地藏庵 縣西郭外僧仁貞開址僧長善重修住持

廣韻

金河庵 清陽鄉距縣十五里嘉靖壬寅進士顏嘉

會舉人顏嘉善建明經顏宗孔重修

興隆庵 清陽鄉山主南寧府知事王桃建

淨覺庵 北鄉庠生劉其渤妻王氏捐本處香火田

十畝

杏泉庵 擢秀鄉距縣九十里萬歷間僧元魁建康

熙丙戌僧純靜乾隆庚戌僧際光嘉慶丙辰僧元

照元清先後增修

愚庵 在沙陵陂邑紳文士鵬建孫監生文德宏等倡修

護僧庵 清陽鄉住持僧聲遠

蓮花庵 北江鄉距縣九十里山主劉東高重建

金蓮庵 縣東僧元音重建

靜慧庵 縣西郭外順治己丑僧明素開址

龍塘庵 距縣七十里擢秀鄉庵前有泉昔有龍潛

其中後龍昇水竭順治庚子僧有章開創結茅誦華嚴經四十餘年而泉源復出康熙甲戌僧若湛

重修辛丑僧德生楚冠復修

圓通庵 在長春舖邑人曹世麟胡誕登重修

復源庵 永平鄉康熙己卯僧自惺建

印泉庵 擢秀鄉距縣八十里康熙三十二年山主

張文旭捐建

星斗庵 永平鄉康熙九年建

雲塢庵 擢秀鄉距縣九十里康熙甲戌僧定

息開創乾隆丙辰住持愍際傳源重修嘉慶甲子

僧德懋蓮綻補修增置田產永供香火

光輝庵 清陽鄉距縣六十里乾隆癸未重修

最勝庵

永平鄉距縣三十里順治辛丑僧智

印建乾隆癸亥重修住持遠松

石隴庵

在永平鄉距縣三十里歐陽海生捐基康

熙四十年僧聞一建乾隆九年僧會司陳源定

重修

妙慧庵

擢秀鄉距縣百里康熙五十年僧法

遠買山結茅乾隆甲寅重修

海會庵

清陽鄉距縣五十里順治丙申僧素

行開址康熙丁亥重修乾隆甲子住持雪浪見觀

重修宏見宏觀復修

墨點庵

擢秀鄉距縣六十里僧傳乘開

康熙

桃創建乾隆庚申住持雪觀宏見

復

金泉庵

鸞山金水冲距縣九十里康熙戊戌生員

陳蓬山建

香雪庵

清陽鄉距縣七十里康熙丙寅建住

持宗尙

復興庵

清陽鄉距縣六十里順治十年僧慈

實開址乾隆十年僧尙宗重修

楓仙庵

北江鄉距縣百二十里康熙八年僧

竺宇建

棲風庵

清陽鄉距縣百里康熙庚子僧此可

買山結茅乾隆壬戌重修

明月庵

清陽鄉距縣百里康熙庚申僧又簡

買山開址住持明玉

樟樹庵

北江鄉距縣百里順治元年僧繼山

建康熙己丑僧鼎先重修乾隆二年僧涵容復修

望蓬庵

東鄉距縣百二十里與天蓬巖南北相望

故名山主陳覲公賀良公

雲隱庵

北江鄉距縣百里康熙壬戌僧意誠

建乾隆甲子僧華山重修

白雲庵

擢秀鄉距縣八十里雍正甲辰僧慈

意建

青陽庵

永平鄉距縣九十里僧涵月建又自建天

陽朝陽二庵住持僧智昌重修捐置田產

朝南庵

擢秀鄉距縣七十里康熙戊辰僧恒微

化龍庵

擢秀鄉康熙丁丑建

白龍庵

擢秀鄉雍正丁未建

天龍庵

東江鄉賀廷玉重修

萬筠庵 北鄉隴下山主劉兆徵捐香火田租廿石

夢仙庵 北鄉斗壇觀鐘鼓巖上高數十丈山上有井

金粟庵 僧雲嶽開址嘉慶丁丑住持佛應寬賢建重

萬興庵 卽萬石寺

祖師庵 清都譚饒公建捐齋田八畝譚姓子孫屢

次重修永奉香火

光輝庵 擢秀鄉

城塘庵

擢秀鄉距縣六十里庵前有塘四圍如城僧妙蓮鼎修其幽雅清淨一洞天

菴筠庵 金字山左有崇山峻嶺右有石壁靈巖修

竹清泉虞道人洗藥鍊丹於此明初皮仲彰修

義龍庵卽黃竹寺 物都距縣六十里成化時僧圓

常建康熙時僧豈裕重修乾隆乙酉至嘉慶壬申

僧見輝先後三修置齋田五十餘畝有碑山主張雲林

福嚴庵 原名福隆庵占都崇正二年庠生文士衮

建捐田八畝嘉慶九年衮孫同十重建住持玉圓

寶雲庵 清都距縣廿五里四川大寧令夏拱台葬

此子嘉善喜善建庵乾隆甲午欽之亮工培美補

修嘉慶丙子鴻久蜚聲爾介騰萬良士等改建

西閣 西關外乾陸甲午山主胡崇政重修捐置油

燈田租五十餘石舖屋一棟嘉慶甲子增置觀音

堂辛未閣右建藝圃書屋經理貢生胡祖定督修
監生胡自銘職員胡自雍

續增攸縣志卷二十七

權知縣事深陽潘礪襄纂修

寺觀

白蓮菴 西郊外明四川樂至知縣邑人蔡承同創
建捐置菴前田租伍碩道光丙戌大水殿宇傾頽
裔孫職員蔡增謀監生培謀監生垂謀捐貲重建
加捐田伍河碩裝修佛像住持僧通顯勒碑

黃龍仙菴 坐泰都湖塘宋淳祐間陳賜泰始建此菴明嘉靖間陳見湖重修年久損壞道光丙申裔孫誥職陳兆最復爲改建並粧修神像捐租住僧費仟餘金

慈雲寺 卽唐大川山在攸北天都自泉昔檮樹禪師飛錫於此建寺明洪武二十六年僧無瑕重修國朝乾隆戊戌都人重修佛殿嘉慶丁丑監生陳芳耆民王 歲貢生劉世理府經職陳泗傳侶衆捐貲盡更新之寺後特建觀音堂以供白衣大士萬壽宮 卽江西豫章會館坐民都新市安福彭詩

觀陳以政劉日莊清江陳永錫太和王順武等價接董姓基地倡建

慕雲菴 坐呈都昭村肇自前代日久朽壞僅存基址道光十九年孝廉歐陽慶龍等倡都內衆姓捐貲修復並有油燈田二畝七分勒石刊載以垂久寶寧寺 坐呈都肇自唐元和年間前志載明道光九年僧海照將該寺樹木出賣圖利致州同譚勛章亭等具控經前憲楊審斷勒石封禁永不許任持僧砍伐譚勛等捐貲重修後殿

攸縣志卷二十八

知縣事 建水趙勤纂修
仁和萬在衡

鹽法

鹽之為利博矣。以蜀廣浙諸處言之。均不及淮額。故兩淮獨當天之半。攸屬南楚東南境。距真揚通泰等州亭戶之區。幾四千里。而江商每歲行引。派江而上者。洞庭以南。皆淮引所行。故攸邑食鹽。歷係淮引。至攸距嶺南樂昌仁化等處。千里而近。粵塩由郴桂陸運興販者。亦不敢越境。考諸宋史。如江西虔州官塩。自淮運至。而虔人兼食嶺南塩。然則地利之便。太

平之世。固未嘗過爲厲禁也。志塩法

每歲額銷淮引一千三百張

每引收子塩四十一包六分九釐六毫

每引徵稅銀二分

攸縣志卷二十九

知縣事 建水趙勳纂修
仁和萬在衡

茶法

楚南產茶之區。盡屬西境。長郡之安化。寶慶之新化。爲尤著。攸歷係由安化運買。或上引百籠。中引八十。下引六十。皆安茶也。近則茶商之來自新化者。視安邑較夥。而額引若干。合而計之。總不外乎舊額。志茶法

茶引五道 徵稅銀五兩

攸縣志卷三十四

知縣事 建水趙勅纂修
仁和萬在衡

蠲政

蠲免者惠民之政也。雖然有今古之殊焉。有今邁於古之別焉。唐宋以來征歛既重。逋欠日多。蠲令愈密。而民不被其澤。則以蠲之無解於取也。考諸宋史。如我攸縣之田畝內科納。承平時黃河築掃鐵纜錢。猶俟臣僚奏乞蠲免。乃得除之。則他縣之雜取名目。槩可知矣。方今

聖朝澤洋恩普。皞皞恬熙。薄賦輕徭。家給人足。無形之蠲

免。涵濡尤深。而每逢

國慶薄海均霑普免正賦。而攸又以山谷僻處。間有水潦小沴。仍垂軫恤。盛哉乎斯世。卽蠲政一端。皆前古所未有也。謹類次記之。志蠲政。

順治十一年豁免六年七年直省地丁本折錢糧拖欠。十二年豁免八年九年直省地丁本折錢糧拖欠。

康熙元年

詔直省順治十五年以前民欠各項銀米藥材紬絹布匹等項錢糧概行蠲免

四年

詔直省順治十六十七十八等年各項民欠錢糧俱令蠲除六年題准奉蠲地方官員將應免錢糧取每圖現年里長不符結狀分送部科查核如有已徵在官不行流抵次年者有不除應蠲分數一概混比侵吞者或經題定蠲免分數後故將告示遲延不卽通行曉諭者或稱止蠲起運不蠲存留者或於由單內扣除不及蠲額者州縣衛所官俱以違

旨侵欺論罪上司不行詳察使災民無告者道府降三級調用督撫布政都司降一級調用

又題准蠲災流抵如本年蠲免填明次年由單之首
如流抵次年者填明第三年由單之首州縣衛所官
不開載確數者議處

八年題准直省州縣災傷不得以闔境地畝總算分
數仍按區圖村庄地畝被災分數蠲免

十年覆准湖南各官捏報墾荒一時希圖紀錄以致
百姓包賠錢糧世受其累行令該撫查明悉予蠲免
又奉

恩詔蠲免直省康熙四五六六年舊欠地丁等項錢糧
二十年

恩詔康熙十七年以前民欠錢糧該督撫查明具題請免
二十三年

恩詔江南浙江江西湖廣省分自用兵以來供應繁苦宜加
恩恤二十四年所運漕糧著免三分之一自十三年起至
二十二年拖欠漕項錢糧著自康熙二十三年起每年帶
徵一年以免小民一時並徵之累
二十五年

諭湖南省二十六年下半年二十七年上半年地丁各項錢
糧及二十五年未完錢糧盡行蠲免

三十八年奉

特諭朕君臨天下撫馭兆人無日不以休養生息爲念嘉惠元元共圖豐樂蠲租賜復時切於懷故從前直隸各省權其緩急先後頻渙恩施今海宇昇平四方無事欲普天率土咸登阜饒惟湖南地方素稱魚米之鄉比來雖年穀順成而民間猶未盡充裕是用格外加恩以綏黎庶所有康熙三十九年湖南通省地丁雜稅等項錢糧著一概蠲免爾部移文該督撫令徧飭所屬實心奉行家諭戶曉務俾深山窮谷均沾朝廷德惠以副朕愛民如子至意倘或借端徵派澤不下究事覺定行從重治罪爾部卽遵諭行

四十四年奉

特諭朕宵旰勤民屢思愛養惟務減徵寬賦以期實惠黎元間有州縣水旱不登卽詔所司亟議蠲賑其直隸各省每歲應輸額賦有以次遞蠲者有頻捐數年者有將帶徵積欠暫令停徵者凡以蠲除額賦專爲小民樂業遂生一歲以內足不踐長吏之庭耳不聞追呼之擾庶幾休養日久馴至家給戶足而民咸得所也曩年楚省錢糧雖屢行豁免今已經歷數載未經特蠲應將該省額賦全免一年以示朕加恩優渥之至意湖北湖南康熙四十五年除漕糧漕項外其餘地丁銀米一概免徵舊欠未完者並停輸納爾部移文該督撫令各飭屬員張示徧諭窮鄉僻壤咸得

周知倘不肖官吏於額徵之外巧立各名色別有科派私圖肥己者察出定治重罪爾部卽遵諭行特諭

四十五年奉

上諭朕子育黎元日求所以休養利濟之道惟念賜租減賦實有裨益於民生直隸各省錢糧次第全蠲一年者業經數舉獨是歷歲逋賦累積加增舊稅新徵勢難兼辦縱使少寬民力分年帶輸而督令續完仍多拮据朕眷懷及此深切軫恤是用蠲逋已責大沛恩膏俾閭閻獲免迨乎官吏亦不罹忝罰直隸山東積欠錢糧今年俱係蠲免其山西陝西甘肅江蘇安徽浙江江西湖北湖南福建廣東各

省自康熙四十三年以前未完地丁銀二百一十二萬二千七百兩有奇糧十萬五千七百石有奇按數通行豁免或舊欠已完在官而現年錢糧未完足者亦准扣抵諭旨到日各該撫立行所屬張示徧諭如有不肖有司以完作欠蒙濶銷算及開除不清者該督撫卽時題奏嚴加治罪爾部卽遵諭行特諭

雍正十三年奉

上諭朕臨御以來加惠元元將雍正十二年以前各省民欠錢糧悉行寬免誠以民爲邦本治天下之道莫先於愛民愛民之道以減賦蠲租爲首務也惟是輸納錢糧多由業

戶則蠲免之典大概業戶邀恩者居多彼無業貧民終歲勤動按產輸糧未被國家之恩澤尙非公溥之義若欲照所捐之數履畝除租繩以官法則勢有不能徒滋紛擾然業戶受朕惠者十苟損其五以分惠佃戶亦未爲不可近聞江南已有嚮義樂輸之業戶情願蠲免佃戶之租者閩閩興仁讓之風朕實嘉悅其令所在有司善爲勸諭各業戶酌量寬減彼佃戶之租不必限定分數使耕作貧民有餘粟以贍妻子若有素封業戶能善體此意加惠佃戶者則酌量獎賞之其不願者聽之亦不得勉強從事此非捐修公項之比有司當善體朕意虛心開導以興仁讓而均

惠澤若彼刁頑佃戶藉此觀玩遷延則仍治以抗租之罪朕視天下業戶佃戶皆吾赤子恩欲其均也業戶沾朕之恩佃戶又得拜業戶之惠則君民一心彼此體恤以人和感召

天和行見風雨以時屢豐可慶矣

又奉

恩詔各直省民欠錢糧係十年以上者著該部查明具奏候
豁免

乾隆十年奉

上諭我朝

列聖相承深仁厚澤無時不加意培養元元以期家給人足
百年以來溥海內外物阜民康共享昇平之福朕臨御天
下十年於茲撫育蒸黎民依念切躬行儉約薄賦輕徭孜
孜於保治之謨不敢稍有暇逸常守節用愛人之訓凡以
爲民也今寰宇敕寧旣解糜費之端亦無兵役之耗所有
解部錢糧原爲八旗官兵及京官俸餉之所需計其所給
較之宋時養兵之費猶不及十之一二至於各處工程爲
利民之舉者取給於存公銀兩卽朕偶有巡幸賞賚所頒
亦復無幾是以在藏尙有餘積數年來直省偶有水旱朕
加恩賑濟多在常格之外如前年江南被水撫綏安插計
費帑金千餘萬兩凡此皆因災傷補救而沛恩澤者朕思
海宇乂安民氣和樂持盈保泰莫先於足民况天下之財
止有此數不聚於上卽散於下仰惟我

皇祖在位六十一年蠲租賜賦之詔史不絕書又曾特頒
恩旨將天下錢糧普免一次我

皇考旰食宵衣勤求民瘼無日不下減賦寬徵之令如甘肅
一省正賦全行豁免者十有餘年此中外所共知者朕以
繼志述事之心際重熙累洽之候欲使海濱山陬一民一
物無不均沾大澤用是特降諭旨將乾隆丙寅年直省應
徵錢糧通行蠲免其如何辦理之處著大學士會同該部

卽速定議具奏欽此遵

旨議照康熙五十年之例分作三年以次辦理直隸奉天江蘇西安甘肅福建四川湖南雲南貴州等省地丁錢糧共一千四十二萬九百餘兩於丙寅年全行蠲免浙江安慶河南廣東廣西等省地丁錢糧共八百六十二萬七千三百餘兩於丁卯年全行蠲免山東湖北江西山西等省地丁錢糧共九百一十九萬二千二百餘兩於戊辰年全行蠲免其耗羨留充地方公用仍存舊例徵收

又奉

上諭各省蠲免正賦之年若有未完之舊欠仍按期帶徵則民間猶不免追呼之擾著一併停其徵收展至開徵之年令其照例輸納至於有田之家旣邀蠲賦之恩其承種之佃戶亦應酌減租糧使之均沾惠澤著該督撫轉飭州縣官善爲勸諭感發其天良歡欣從事則朕之恩施更爲周普一切照雍正十三年十二月

諭旨行欽此

又奉

上諭朕特降諭旨將丙寅年各省錢糧通行蠲免以加惠元元經大學士戶部議稱應照康熙五十一年之例將各省

分爲三年以次豁免朕已降旨先行嗣後該省應免之年或遇水旱等事若不格外加恩則被澤仍有同異未爲普遍著將特恩應免之數登記檔冊於開徵之年補行豁除該部卽將此旨通行曉諭知之

乾隆三十五年奉

上諭朕寅承丕緒撫有萬方旰食宵衣無日不以勤恤民依爲念是以勸農省歲減賦蠲徵不吝多費帑金斬閭閻共臻康阜溯在乾隆十一年丙寅朕御宇周旬肇敷闡澤曾恭依

皇祖普免天下錢糧恩例蠲除直省額徵正賦二千八百萬兩有奇越在三十一年丙戌際當必世興仁益惟比戶饒裕是計復下詔將應徵漕米省分照康熙年例概蠲一次俾各倉箱盈衍倍積耕餘邇年以來寰宇乂寧民氣和樂維

上天孚佑我邦家洵錫康年頌符綏屢朕祇膺

昊蒼鴻眷其可不究澤推仁以與我海內元元答茲

嘉貺我國家席全盛之模內外經費度支有盈無縮府庫所貯月羨歲增因思天地止此生財之數不在上卽在下與其多聚在藏無寧使茅簷蔀屋自爲流通廼者仰紹

列祖貽庥化成熙洽爲民藏富欣際斯辰且今年爲朕六十

誕辰明歲恭遇

聖母八旬萬壽普天忭祝慶洽頻年尤從來史冊所未有自宜更沛非常之恩以協

天心而彰國慶茲用乘春頒令誕布陽和著自乾隆三十五年爲始將各省應徵錢糧通行蠲免一次其如何分年遞蠲之處著大學士會同該部卽速詳議具奏欽此

部議湖南省地丁錢糧於三十五年全行蠲免
四十二年奉

上諭前因

聖母萬壽特宏錫類之仁普蠲各直省錢糧以昭慶惠朕本

欲俟恭祝

聖母九旬萬壽之年再普恩施一次茲者

仙馭升遐此後更無可推廣

慈仁之處現在部庫帑項又積至七千餘萬着再加恩自戊戌年爲始普蠲天下錢糧仍分三年輪免俾寰宇億兆人民仍得共被

慈恩永申感慕而朕終天罔極之忱雖不能仰酬萬一庶幾藉茲稍展其如何輪派年分著戶部卽速悉心核奏遵行
欽此

所有湖南省地丁錢糧於己亥年全行蠲免

五十五年元旦內閣奉

上諭朕賴

昊蒼眷佑既逾古稀欣開八袞幸得小康時懷大惕自乾隆十年以迄四十二年

特布恩綸普免天下錢糧業今三次矣今歲屆朕八旬壽辰仰荷

天祖貽庥率土稱慶以至梯航重譯祝嘏來庭從古史牒實所罕觀是宜廣宣湛澗敷錫兆民用叶崇禘以答

嘉貺著將乾隆五十五年各直省應徵錢糧通行蠲免其如何按年輪蠲之處著大學士會同戶部卽速核奏遵行欽

此

又奉

旨此次普免錢糧按照各直省額徵銀數將所屬各府州次第搭配分作三次按年輪免通計三年一律蠲免較之按省分年輪免各省年分先後不同者似覺恩施早被遠近齊沾至一省之中應免府州當先儘五十四年災祲之區首先蠲免於災黎更有裨益該督撫務須悉心籌畫妥爲分別辦理并督飭所屬實力奉行務使編氓均沾渥澤毋令吏胥從中影射侵漁稍滋弊混以副朕行慶施惠敷錫兆民之至意仍令各督撫自行具奏欽此

所有湖南省應免錢糧籌酌題明以岳州常德辰州
澧州四府州間被水災永順一府盡屬苗疆郴州距
省最遠以上四府二州於乾隆五十六年首先蠲免
衡州永州寶慶沅州四府屬於乾隆五十七年輪免
長沙靖州桂陽三府州屬於乾隆五十八年輪免
六十年九月二十三日奉

上諭前經降旨普免天下積欠命各該督撫查明具奏節據
各督撫等查奏各省未完節年地耗正糧等項共銀一千
七百十餘萬兩糧穀米石等項三百七十五萬餘石零俱
已加恩全行豁免內奉天山西四川湖南貴州廣西等省

向俱年清年款並無積欠朕臨御六十年普免錢糧四次
漕糧三次其餘水旱偏災蠲賑兼施所費帑金不下萬億
所以藏富閭閻爲小民謀生計者無微不至此等年清年
款省分小民踴躍急公輸將恐後轉以並無積欠未得一
體邀恩不足以昭平允所有奉天山西四川湖南貴州廣
西向無積欠六省著加恩於下年正賦寬免十分之二該
督撫等務宜董率所屬均勻減免酌定章程報部查核以
副朕愷澤頻施恩加無已至意欽此

湖南省籌議長沙等府州屬於嘉慶元年減免
六十年奉

上諭朕自臨御以來勤求民隱日有孜孜惟期藏富於民家給人足仰荷

昊蒼眷佑

列祖貽庥寰宇昇平重熙累洽行慶施惠闔澤頻加其普免天下漕糧三次地丁錢糧四次其餘遇有偏災隨時蠲賑不下千萬億兩近將各省積欠錢糧概行蠲免又復數千餘萬兩所以子惠元元休養生息者至周且渥今朕紀年慶符周甲丙辰元旦舉行歸政典禮爲嗣皇帝登極初元大廷授受篤祐延釐實爲曠古吉祥盛事允宜廣沛恩綸俾薄海羣黎共沾湛愷本欲於新正傳位後降旨但思二

月間卽屆開征之期恐遠省接奉稍遲著卽將嘉慶元年各直省應徵地丁錢糧通行蠲免以示朕與嗣皇帝愛育閭閻共錫恩施至意其如何按年輪免之處該部查照向例核議具奏施行欽此

嘉慶元年奉

上諭湖南教匪滋事肆行劫掠焚燬村庄業經官兵屢加剿殺而該省紳士百姓等能知大義團練鄉勇隨同官兵打仗殺賊實屬可嘉湖南省剿捕苗匪現在首逆就獲官兵卽抵乾州指日大功告成第念附近苗疆地方多有被苗匪蹂躪占種田土民人不免失業

卽較遠各州縣解運糧餉軍需等事亦不無有資民
力朕心深爲軫念宜加渥澤以示體恤除該二省被
賊擾累地方業經加恩分別蠲緩外著再加恩將湖
南湖北二省來歲應徵錢糧俱行豁免俾被擾失業
者得以復其生計而急公出力者亦更資溫飽並著
該督撫速行謄黃宣示務令鄉村僻壤咸使聞知用
示朕惠鮮勞來有加無已至意欽此

優免曾氏雜派差徭碑附

攸縣正堂陳 爲援例懇恩豎碑垂久事案據廩生
曾廣新職員曾傳樂傳典監生曾傳名生員曾毓秀
童生曾廣槐等稟稱生族原籍山東分居楚攸實爲
宗聖曾子嫡裔荷蒙

聖朝特恩設立世官奉祀遠近族屬均免雜派差徭順治
元年暨十三年康熙十三年暨四十九年乾隆二十
年歷奉 戶部並 各憲申飭蠲免均行在案嘉慶
十年生族總寧鄉縣生員曾衍詠懇立碑優免將生
職祖名及生職名一並通詳 各上憲賞准如詳飭

遵碑立府轅切生職等與衍詠實係親支共祖共廟
共譜山東印譜移文可稽衍詠既豎碑寧鄉生譜蒙
憲核移嫡派非虛自應如衍詠一例勒石轅前合族
沾恩等情本縣查此案業奉 各上憲飭遵又奉
府憲札催吊核茲據會廣新會傳樂等所呈宗圖印
譜實與寧鄉會衍詠族屬親支例得優免自應豎碑
通知以廣

皇仁以光前哲除批准碑示外合飭勒石曉諭爲此示仰
闔邑軍民人等知悉該會氏子孫除正供外凡遇甲
保區首團總社長運丁夫役行舖船戶百工手藝採

買倉穀及一切雜派差徭毋得任派會氏子孫承辦
以仰副

聖朝崇儒重道 令典倘有仍行混派滋擾者許該族人
等指名稟究

嘉慶十五年

續增優免曾氏雜派差徭碑附

攸縣正堂孔 爲遵照出示曉諭事案奉 撫部院

裕 札開爲呈懇申請優免事道光十九年六月十

七日准 衍聖公府咨開道光十八年十二月十八

日據世襲翰林院五經博士曾紀瑚申前事申稱湖

南長沙府攸縣職員曾紀龍曾廣楨庠生曾毓秀童

生曾南浦等稟稱切族等恭照族譜載

宗聖曾子十五代孫漢關內侯據由山東遷居南省生

子闡十八傳尙書丞生子三長珪次舊次略珪四傳

御史大夫慶生二子長偉次駢駢二十二傳質粹奉

明世宗詔歸山東授翰林院五經博士爲曾氏大宗
卽宗王之祖俸後知州芝徙楚寧鄉縣攸縣等處爲
南宗興槎及龍等之祖與宗王共祖慶公所有譜系
均遵各憲札飭辦理已蒙宗王蓋印南宗譜局擢蓋
圖章衍聖公府核蓋紫印實係 宗聖嫡裔毫無混
冒謹敢呈驗印譜伏乞申請衍聖公府恩准咨行湖
南撫憲轉飭該縣立案出示造具圖冊給牌勒碑除
正供外凡遇保甲里正區首團總廟頭社長鄉約斗
級長造公正運丁催頭堤總夫馬花布雜糧船網行
舖屠沽草木百工手藝派買穀物一切雜項差徭概

准蠲免以廣 皇仁永感無既又六十六代宗王蒙
世宗憲皇帝恩賜省身念祖匾額煌煌 天語告誠深嚴
凡曾氏子孫均深感戴茲敬擬於 宗聖祠內建
樓敬摹恭懸以昭崇敬之誠合并仰懇申請附咨等
情據此查四氏聖裔向蒙蠲免一切雜派差徭以別
齊民夙著爲例茲據該族人等攜譜具稟前來當將
所呈譜本詳加核對支派詳明均有鈐記圖章暨爵
憲賞蓋公印確無捏飾其曾紀龍等均屬嫡脉相傳
源流清白理合據情申請憲恩俯照湖南孔顏曾言
各氏舊例恩准咨行湖南撫憲飭行攸縣照依原案

與前准會廣新舊會編秀等舊章除正供外一例優免以示體恤除將印譜確查發還該族毋庸吊譜轉詳外理合申懇咨請轉飭該縣出示曉諭造具圖冊印給免牌令族等勒石垂久並飭會紀龍等於該處修建御書樓奉揚

聖恩以示體卹感戴無既爲此備由具申伏請照驗施行等情到本爵府據此查先聖先賢後裔遇有地方差使除正供外其餘一切雜派差徭向蒙

國恩概行豁免以別齊民茲據申請前來擬合據情移咨爲此合咨查照文內事理希卽檄飭攸縣將職員會

紀龍等一切雜泛差徭照例優免以示體卹實爲公便等因到本部院准此合就札行爲此仰縣官吏卽便遵照出示曉諭將一切雜派差徭照例優免以示體恤毋違此札等因奉此合行遵照出示曉諭爲此示仰閩邑軍民人等知悉所有會紀龍等及散處各都係屬宗聖後裔嗣後除正供外其餘一切雜派差徭毋得派及會氏子孫承辦以示體卹如有混派滋擾者許該族人等指名稟究毋違特示

攸縣志卷三十五

知縣事 建水趙勳纂修
仁和萬在衡

職官

攸舊號梅城。官於斯者。有花縣之稱焉。俗尚文而習禮義。故易與為治。自昔忠信之長。幹濟之佐。經明行修之師儒。後先踵美。所由勸農桑以敦本。富興學校以崇禮讓。蓋不偶矣。爰溯疇曩。以逮今茲。按其姓氏籍貫次第書之。志職官。

知縣

宋

攸縣志卷三十五 職官

張運

蔣勵

吉康國

明

許子堅福建人

王宗儒江西九江人

俞本南直蕪湖人

王處敬

張翼四川人

張翠北直保定人

葉存哲浙江處州人

柴直

孫哲南直人

吳貴廣西象州人

郭欽江西龍泉人

秦穀均州人

杜庠江南吳縣人

邊鐸直隸任邱人

方祐安徽桐城人

燕慶河南人

蒙晟山東滕縣人

張曦江南揚州人

程登江南宜興人

陳鉞江南句容人

江昌江南歙縣人

朱藻四川舉人

吳懷江南安慶人

蕭啟江西泰和人

武儀四川宜賓人

鄭偉山東莒州人

趙春四川巴縣進士

陳應龍浙江慈谿舉人

秦鉞浙江慈谿進士

張奇山西臨縣人

于良相江南華亭舉人

陳時雲南蒙化舉人

何繼之廣東順德人

孫景時浙江仁和舉人

黃榕江西南昌舉人

翁鉅浙江淳安歲貢

黃公校浙江遂昌舉人 范志文廣西灌陽舉人

熊希程廣西馬平舉人 黃 極福建寧化選貢

杜 極江西豐城進士 陸 芝江南長洲選貢

章 訪浙江蘭溪歲貢 龔 估南昌史館儒士

鄭大猷河南上蔡歲貢 張思曾江南青陽舉人

楊 璧江南上元舉人 曾 袞江西永豐歲貢

王養性江南上元舉人 徐希明浙江上虞舉人

董志毅 高 光四川舉人

胡汝政四川進士 錢天允浙江進士

夏之令河南光山進士 許大經福建莆田舉人

賀納賢江南丹陽舉人 李士昌四川墊江進士

王枚卜四川茂州選貢 余 穉四川內江進士

蔣拱震江南丹徒進士 賴尙臯江西南康舉人

胡良知河南南陽舉人 辛嗣順雲南舉人

皇清

于穎然 浙江新城舉人 順治四年任 劉龍耀 江西南昌舉人 六年任

俞文燦 江南海州人 八年任 鄭際虞 河南密縣人 十一年任

朱英熾 陝西鎮番衛舉人 十二年任 王國璋 北直文安舉人 十八年任

文宗騫 廣西鬱林州人 康熙七年任 徐鳴雷 福建舉人

何朝宗 十二年任 張 潛 江西宜春監貢 十七年任

吳光豫 遼陽監生 二十年任

余三奇 遼陽正白旗監生 二十二年任

吳標 江南崇明縣士 二十八年任

張綸 順天涿州生員 三十七年任

張臣德 鑾黃旗監生 四十四年任

高攀嵩 山東膠州進士 五十二年任

陳溥 浙江天台進士 五十八年任

蕭師諤 江西會昌進士 雍正四年任

陳文言 奉天舉人 五年任

譚鏞 貴州舉人 七年任

許搏翮 浙江建德歲貢 九年任

彭繹祖 正白旗舉人 乾隆元年任

李澎 直隸靜海監生 二年任

塗延年 江南無錫舉人 五年任

馮運棟 浙江慈谿拔貢 七年任

馬世燿 正黃旗監生 十二年任

楊華 貴州平遠舉人 十二年任

鮑啟泌 十五年任

李澎 直隸靜海監生 十五年復任

歐陽純 雲南南安舉人 十五年任

鄒錫彤 四川涪州進士 十七年任

馮邦直 廣東番禺貢生 二十一年任

范元琳 江南如臯監生 二十二年任

田彬 順天武清舉人 二十三年任

吳家經 江蘇青浦監生 二十四年任

張煥 江蘇元和舉人 二十八任

朱鑒昌 浙江嘉善貢生 三十年任

王煊 貴州鎮遠舉人 三十一年任

朱絲綸 浙江長興監生 三十一年任

羅宏漳 湖北公安舉人 三十二年任

行有傑 山西曲沃貢生 三十二年任

徐應熙 江蘇陽湖舉人 三十五年任

莊士寬 廣東鶴山舉人 三十七年任

周夢龍 浙江山陰監生 三十九年任

許凝道 河南安陽舉人 四十二年任

張五典 陝西涇陽舉人 四十一年任

行有傑 四十二年復任

馮思道 山西陽曲貢生 四十五年任

戒明 正藍旗官學生 四十七年任

王用鐸 陝西華州貢生 四十八年任

張健

浙江分水拔貢
四十九年任

蔣兆甲

陝西渭南舉人
五十三年任

傅廣聰

河南鹿邑舉人
五十四年任

顧振聲

浙江海寧舉人
五十五年任

張範

河南尉氏舉人
五十六年任

李永塚

湖北石首貢生
五十七年任

馮城

廣東南海舉人
五十九年任

嚴維

江西分宜舉人
五十九年任

陸振基

廣西灌陽舉人
六十年任

馮城

嘉慶元年復任

劉毓瓊

廣東陸豐舉人
二年任

張振翔

河南商城監生
二年任

張範

八年復任

黃元灝

浙江歸安舉人
九年任

蔣紹宗

漢軍鑲白旗舉人
九年任

翟敏敬

甘肅臯蘭舉人
九年任

蔣紹宗

十年復任

安佩蓮

貴州貴定進士
十三年任

蔣紹宗

十三年復任

陳玉垣

浙江海鹽舉人
十五年任

裘行恕

江西新建舉人
十五年任

蔣紹宗

十六年復任

李清英

福建安溪舉人
十七年任

張春源

江蘇青浦生員
十八年任

趙勳

雲南建水舉人
十九年任

萬在衡

浙江仁和附貢
二十二年任

俞鏞

江蘇金匱舉人
二十三年任

明

譚存誠本縣人

錢尙綱浙江錢塘人

周克己

黃汝濟

陳璘

劉勗

郭讓

蕭文郁廣東潮陽人

黃裳江西湖口人

陳堪浙江慈谿人

張海雲南通海人

胡澄四川德陽人

周懷璧江西新昌人

王滋四川崇慶州人

李琳四川人

李昂江西安福人

莊科福建晉江人

吳翔廣東揭陽人

龔銳貴州人

鄭恩江西貴溪人

高鳳山福建安溪人

張希戴廣東順德歲貢

侯相廣西桂林舉人

朱希文雲南舉人

王欽廣西桂林人

黃譙之廣東大埔歲貢

蕭賓江西龍南歲貢

趙行可四川宜賓舉人

莫惟學江西臨川舉人

李孚慶江西浮梁歲貢

趙友仁雲南建水舉人

楊世桂四川長壽歲貢

蔣蒙吉廣西全州舉人

滕元坤廣西全州舉人

徐仲先平江恩貢

朱芹廣西平樂衛人

黃汝恭桂陽州歲貢

趙恕雲南鶴慶府歲貢

徐昌期廣西臨桂舉人

何大乾四川邛州歲貢

莫召師廣西臨桂舉人

熊所師麻城舉人

陳三聘四川宜都歲貢

胡士龍京山副榜

黃養正江夏舉人

虞之榮施州衛歲貢

歐陽中天桂林舉人

周宏邦黃岡舉人

陳國泰四川郫縣恩貢

歐陽一夔江西泰和舉人

袁尙賡桂陽州歲貢

李繩勳江陵舉人

曾友顏漢陽舉人

皇清

古通今鍾陵舉人

李光炳黃安歲貢

龔維祚蒲圻歲貢

洪一翥蘄水舉人

嚴一心江西分宜舉人

冷又煦黃陂舉人

藍應象廣濟舉人

趙衍洛潛江舉人

徐祝年江陵舉人

李宗德永興舉人

胡興稔衡陽舉人

李天旭衡陽舉人

冉永超沅陵舉人

楊廷荔衡山舉人

楊瑞龍陽拔貢

廖銓耒陽舉人

李矚衡陽舉人

歐陽永錫新化副榜

金逢原興寧舉人

張明堪辰谿廩貢

童龍光黃岡廩貢

陳學奎道州廩貢

申玠祁陽舉人

訓導

明

顏時用本縣人

劉昌漢本縣人

楊春江西星子人

徐俊江西上饒人

龔 淳浙江湯溪人

汪 河南人

吳 琉江西弋陽人

吳 山江西安福人

黃廷璋廣東茂名人

蔣 寅廣西人

劉 敬四川人

盧 貞甘肅靖遠人

侯 信江西臨川人

林 統廣東人

劉 敏四川新津人

劉志熙四川內江人

毛伯祥四川宜賓人

李 箎四川納溪人

葛 明四川叙州人

趙 輔江西樂平人

趙 琇江西雩都人

楊允才浙江人

戴 貌福建南靖人

魏 瓚嘉定州人

蕭 忠四川涪州人

胡 信江西奉新人

劉 欽四川歲貢

張舜臣四川涪州選貢

侯 緯四川鄆都人

何震春廣西灌陽歲貢

許 啓浙江仁和歲貢

何 吉江西金谿歲貢

董 嶽四川江津歲貢

劉 矜四川涪州歲貢

甘 豪靖安歲貢

余廷寶四川羅江歲貢

任可久雲南昆明歲貢

徐 鑑江西贛縣歲貢

郁德峻普安歲貢

任親賢四川閬中歲貢

王汝翰浙江金華歲貢

施 宇浙江富陽歲貢

殷尚質浦江歲貢

卞堯封枝江歲貢

申廷璧浙江金華歲貢

余龍遠

謝康

蔣文盛邵陽歲貢

朱製衡山歲貢

周新製高縣歲貢

朱紹孔宣城歲貢

楊逢春靖州歲貢

李聯芳河南汜水選貢

扶大化鄆縣歲貢

黃應選平江歲貢

喬可駿歸州歲貢

徐同然貴州歲貢

趙宗普武陵歲貢

陳宗舜巴陵歲貢

皮應乾大冶歲貢

張德政

曹榮官

鄒光楚巴陵歲貢

白玉璧陝西永壽歲貢

蹇超之巴縣選貢

陶懋昭江西彭澤人

柯宏材安莊衛歲貢

白文明

劉亨春安仁歲貢

皇清

李之楷應山歲貢

張楚書邵陽歲貢

黃鐘通山歲貢

許躍龍

李受卿

陳爰

李嗣善

傅大鎔

蔣日明

黃飛遠

劉鐸

黃純鐸

陳一章

劉蜚聲通道歲貢

潘正方沅陵歲貢

劉蜚聲復任

謝良琬耒陽廩貢

朱之正芷江廩貢

尹光邵陽廩貢

徐樹梓武陵廩貢

樊在伸寧遠廩貢

張鱗安仁拔貢

李呈煥沅陵廩貢

張永灝清泉廩貢

馬知新武陵廩貢

汪國珣沅陵廩貢

禹漢淑浦廩貢

何綸吉郴州歲貢

黃思洋淑浦廩貢

李順啓衡陽舉人

巡檢

借補

皇清

劉峻順天大興人

祝時勉浙江海寧人

楊國璠順天大興人

王謙浙江山陰人

翟士德山東濟寧人

潘世忠浙江山陰人

王日舟河南溫縣人

婁起銓浙江山陰人

樊晉昇浙江會稽人

婁起銓復任

耿桂齡江蘇丹徒人

趙士俊順天大興人

屈長發江蘇常熟人

竇興清陝西富平人

王謙復任

會琳福建莆田人

盛學萬江蘇元和人

周應元浙江山陰人

曾琳復任

曹濟川順天大興人

曾琳復任

石萬賓江蘓如臯人

張世恩四川成都人

萬廷傑順天大興人

張世恩復任

史訪山東定陶人

徐軼羣浙江會稽人

方春湖北漢川人

徐軼羣復任

典史

明

鄭治

蒲芝

趙資

孟升

楊思敬

林崇福福建人

楊剛廣東人

侯隆

任敬祖

高梗江南宿遷人

牟中德四川涪州人

戴誠四川巴縣人

馮光昭

劉澹

許適

江

歐陽烜

陳時江西高安人

潘錦浙江餘姚人

梁賢浙江會稽人

呂濂浙江嘉善人

向良謨四川長寧人

李鳳

莫息廣東南海人

曾 福江南懷寧人

查萬川江南太湖人

林應夫浙江黃巖人

蕭引鳳江西南昌人

楊文仁福建晉江人

陳伯敬

林公裕福建福清人

車盛舟邵陽人

曾明睿

劉一道南直人

沈有璠

臯清

孫 盛浙江人

劉善治

南應龍陝西人

王 璽四川人

陳生色

韓繼垣富平人

楊 信鐵嶺人

蔣國相

藍 綸

王國楨

孫世琬

石應龍

姜 漢浙江人

王維琛山西榆次人

朱兆燕

謝國夔廣東平遠監生

陳 文山陰縣人

黃佐丞廣東人

余鳴鳳玉田縣人

熊左普順天宛平人

趙文偉浙江山陰人

韓永安河南安陽貢生

戴均湄浙江新縣監生

孫天爵奉天承德人

劉 輝

徐騰龍四川安縣人

劉 輝復任

王 輝浙江監生

劉 輝復任

婁克明浙江仁和吏員

於 洪大興縣監生

李蔭蘭安徽定遠人

王 謙山陰縣監生

丁士圭浙江山陰人

婁 淮浙江蕭山人

江繼業江蘇武進人

許鼎望浙江德清人

李本瑚浙江錢塘監生

江繼業復任

朱世塘江蘇甘泉監生

韓 澄浙江蕭山監生

盛德溥湖北孝感人

陳 潢安徽石埭人

彭定橋四川中江人

陸 連順天宛平人

松 峻蒲洲人

陸 連復任

吳 瑄江蘇陽湖監生

韓 澄復任

邑舊有縣丞主簿二員順治間業已奉裁然昔之官
斯土者其姓名未可沒也因依舊志錄存

縣丞

明

王 肱山東人

王子倫廣東人

洪仲序廣東人

李 郁廣西人

蒲 琛四川涪州人

楊 森四川人

趙 瑜雲南楚人

李 或四川郫縣人

陳祥四川人

謝善江南當塗人

何佐四川潼川人

李敬江西人

程鳳四川銅梁人

孔四川人

任永欽四川人

張禮

何連廣東人

黃江福建莆田人

竇堯卿

張釗舊志作普安人

顧位浙江嘉善人

戴吉四川酆都監生

廖竦江西德安歲貢

畢大材江南懷寧吏員

熊泮江西新建吏員

呂元夫江西永豐監生

趙從舟四川岳池吏員

陸元兆江南吳縣監生

劉以東江西安福監生

白君玉陝西寧羌監生

張祥鳧江南金壇監生

龍民善江西泰和吏員

鄭惟謙

傅良弼

周惟熊廣東人

孫可承浙江人

吳用賓江西人

朱宏謨浙江人

余有為福建將樂選貢

明

主簿

黃公範

王順

胡質

管 賢直隸人

楊 璧

蔡宗定浙江人

虞 韶

王 綬江南繁昌人

趙 銘夏縣人

陳 善四川大足人

曾 解江西人

胡 忠北直人

李志高四川重慶人

秦 琛廣西貴縣人

張 永

吳文光

劉 失名

須 貫

方 寬

劉 鵬浙江蘭溪人

胡堯時江西泰和人

安 相陝西咸陽歲貢

王 寶廣西柳城歲貢

莫 簡廣西蒼梧監生

謝良能四川崇寧歲貢

孫 昆江西饒州吏員

李 棟四川巫山歲貢

郭雲志江西泰和吏員

王子仁四川越雋衛貢生

李 文四川歲貢

王叢桂四川廣安吏員

王尙恩河南歲貢

邵學宗江南溧水監生

張世榮

齊世泰

杭世隆

王用官江西人

章日言江南青陽人

沈 持江西浮梁監生

洪淑夏浙江人

續增攸縣志卷三十五

權知縣事溧陽潘礪襄纂修

一職官

知縣

至善 旗員攝理 二十四年任

趙勳 雲南舉人 二十五年復任

邵元 元年任

帥承洙 湖北拔貢 二年任

夏國琦 五年任 進士

楊鼎才 四川舉人 六年任

姚廷蕙 順天人 府經代理 十二年任

崔偲 順天進士 十二年九月任

葉起鵬 雲南拔貢 通判 十二年任

雷霄漢 陝西人 縣丞代理 十四年六月任

孫宗瑛 四川副貢 十四年七月任

王春藻 雲南進士 十七年六月任

職官

又一

潘礪襄

江蘇進士
十八年八月任

孔憲典

貴州舉人
十九年七月任

儒學教諭

方 鈺

巴陵舉人

吳國瑾

新化舉人

張倫伸

麻陽歲貢

張學蘇

零陵舉人

儒學訓導

方宗昂

巴陵歲貢

歐陽世洵

安仁廩貢

唐方錦

衡陽歲貢

駐防把總

羅楚士

長沙武舉
二十四年任

何 陞

二十五年任

彭立貴

善化人
元年任

馬雲錦

長沙人
五年任

賴永清

十四年任

劉興隆

十四年十二月任

周慶堂

十五年九月任

蕭大坤

軍功千總
十六年二月任

鳳嶺司巡檢

張承基

張 燿

程 巖

高文耀

姚復齡

趙先登

劉 豫

捕廳典史

陳文蔚

張光烈

萬 錦

潘生萃



